

懷古田舍詩節鈔

懷古田舍詩節鈔卷之六

漢軍徐榮鐵孫

胡小海上舍

泰交

以童二樹堂幅墨梅見貽和畫

中自題詩韻

辛亥

一枝高處逞孤妍  
別倚橫枝韻欲仙  
江北有人埋雪久  
嶺南惟汝得春先  
夢花圖出冰黏筆  
載酒歸來蝶趁船  
多謝情人遠相餉  
龍山相伴過新年

二樹前畫自題辛卯春日作新正無事再題二十

韻

道光辛卯我四十蘿岡洞裏重探梅平生游迹首屈指  
有志學畫始此回豈知先此一辛卯山人作畫貽我來  
是爲乾隆卅六載至今八十年華催是時賤子未朕兆  
後廿一年而始孩山人作此贈誰某謂色首白花中魁  
山中高士物外賞載酒討春邀鶴陪今我京塵已緇素  
對此皓質空餘哀孤山咫尺尙不到日歌勸糴籌偏災  
舊游如夢墮烟霧故山猿鶴當嘲詈胡君見贈有深愧  
何曾撥冗文書堆新年鎖印百務簡迎春歸去圖方開  
蓬蓬春色忽到眼香雪作海浮蓬萊

謂蓬萊閣

行來六十不

自効恥被貴人憐  
肴飴會當神武挂冠服  
挾爾同歸華  
首臺翠羽清歌蝶起舞  
醉倒一任麻姑猜更寫新圖續  
舊本四山亂撒明珠胎  
是花是畫月爲證右畫左花中  
酒杯留鎮酥醪比玉帶永永甲子辭  
暮埃再逢辛卯轉  
瞬耳百歲共賞知誰哉

初三日雪

無雪妨麥秋有雪愁春寒  
妨麥食不足春寒衣實單  
連日雨騎歲迎春雲正乾  
誰言朔風緊復作濃陰攢  
午霰積稍稍宵霰遂漫漫  
時聞折竹響曉砌堆銀瀾  
旁人告

我瑞四野農聲懽明日方立春仍作臘白看我心知其  
然但念窮人難安得仁愛天雲日分其官白絮糝田野  
爲民作盤餐黃棉布閭巷適體勝綺紈

新司杓一籌五雲盃三錢錢清逮陶堰城爾鄉亦然余

山陰張濤等於新司旁義舍施粥人憑印籌給一大杓  
五雲門外半施半賣盃取三錢皆城局也鄉則錢清柯  
橋陡門道虛皆施陶堰道里等處  
皆半賣均自十二月舉行至今賣免嗟來傷施者空

曩便君看面黧黑襁負或背肩雀有雨雪謀伏處當冰  
天奈何泥淖中老弱相扶牽豈無游手徒溷迹甕鰥廛  
胞與固所宏廉恥尤當先慇懃著誥誡實惠期無偏皇

天賦手足作息我有權春來土脈動理汝災餘田努力  
致豐穰毋爲人所憐

雪後追和張伯雨韻

新寒入雪氣凌兢近市囂塵曉尙凝火綠乍溫膠盞酒  
日紅初解插花冰凍將湖鑄千秋鑑老被人呼十月蠅  
正苦讀書銀海眩耀光休說越溪綾

浮沈田詩

浮田種薤菜架竹浮之水上菜自蔓生沈田種  
蠔燒大石投水中蠔自附之相黏爲山半年可

鑿取事見廣東新語曩在學海堂曾以命題今  
補作之

森森綠玉蘸朝烟一片浮田接岸田十萬魚兒田下住  
卻從田罅望青天

榕岸西頭烟雨叢出門采采佐朝饔怪渠又作移家計  
撐得浮田過岸東

右浮田

纔燒紅石種江灣便有蠓花四面環日日布帆田上過  
不知船底有青山

海客傳家海底田刀耕火耨自年年春來借與珊瑚網

採得珍珠十二船

珍珠蠟尤美  
春日取之

右沈田

渡錢唐江作

今年春草舊年洲波面彎彎碧玉鉤界破錢塘江上水

一潮分作兩潮流

哭亮弟

二月二十一日  
得家書作

衰宗寥落更誰親夷鼓青陽祗二人拭眼庭階期玉樹

關心門戶作勞薪少孤同抱終天恨

不肖九歲時先  
君子見背弟亦七



歲失怙遠別難收有事身聞報荆堂一枝折不須風雨已

傷神

啓啓黃口不知愁晝荻衰親已白頭驃騎無官酬第五

布衾有婦誅黔婁單傳兩世危朝露余與弟皆單傳兩世矣一瞬

三旬歎逝漚弟生嘉慶庚辰今年三十二歲原上鵲鴿聽不得滂沱老

淚忽交流

四海論交氣誼敦晚來真樂識衡門周旋敢道公昆弟

與同高祖顧復同爲好子孫基武卿文勞苦望緩儒弟墨愴

空言歸來面上看春草蒲澗悲歌一斷魂葬蒲澗上

二月十八日與家蘭畦通守

徵

陳雲樓

與聲

張遜

侯

致高

兩明府魯寅賓

鄭松

孫瘦梅

道乾

兩提

舉杜晴佳運同

寶齋

胡芝房大令

泰階

周一齋

孝廉

以均

詣偈山相度曹娥江路旋至三江登

巡司嶺看江出海十九日始返城中

先期攜夢宿江灣民事關心敢愛閒不辨東西南北路

醒來人說到偈山

偈心寺後蓮泉寺香市春來舉國狂都趕佛前頭炷好

不辭香霧涇衣裳

傅山終古枕江聲下有寒潮曲折迎洞府不留堙水法

容渠沙腳亂縱橫

山以東娥江凡三曲而磨盤沙犀眺角尤曲山以西則扇頭地南匯觜兩

沙緊抱均礙江流

語兩明府督疏之

挂帆還趁過江風去看三江夕照紅但卜秋來千里熟

不辭平地作飛蓬

午後大風是日俗謂馬和尙過江風愈大則秋有收

迷路看花往復迴開門開盡雪成堆廿年惶恐灘前夢

一夜江聲爲喚回

一道驚沙綠抹坤茫茫塞斷舊江門誰能截取西園觜

中有腴田百頃存

西園觜三江開外欄門沙也自東而西年長一年今較國初長至二百

餘里山會蕭三縣之水出閘北匯曹江須西行繞盡此沙乃復東折百里方能入海每當曹江盛漲海潮逆上鼓怒盤旋共遏閘流驟不得下乃橫溢爲患矣試語鄉人有能出貲截沙之半使江流中道北出歸海以所截之沙歸其承佃三數年後當得上腴田數百頃然無敢應者慮其費鉅且恐終無成也

### 伊遇羹屬題彭山草堂圖

舊隱關心畫不如草堂半讓白雲居  
天邊一片彭山影闌出牆頭看讀書

### 樊江泊

樊江風露浩縱橫十萬蝦蟇作六更  
眼底災田猶未種不勞請雨但呼晴

喜四兒傳善攜妻子至

別我杭州髮未髻

庚子秋十四歲自杭返粵

來攜妻子羽脩脩漸經

閱歷知人事好效馳驅荅

聖朝寄廩不妨胡質儉過江猶望阿龍超十年不向長  
安笑莫似而翁髀肉消

四月十六日慮善回粵二十一日同善傳善赴京

鄉試感賦兩首

東去西飛可自由一門四地賦離憂

兼謂明善康孫在粵

分張可

笑桓山鳥刺促難爲閣道牛豈有功名到蕉鹿那無魂

夢繞松楸思量卻被團團誤十日團團百日愁

傳善甫於三月

初十日攜妻子來自粵憲善亦於三月二十八日自粵來

南北舟車去住遲遊蹤歷歷記題詩秦關汝父還家路  
燕市前賢選駿時從古世途多險阻阿奴門戶賴支持  
琴書情話歸來樂更待何年未可知

### 疏江行

疏江者疏曹江下流使改由西匯半沙出海也

是議發於章警之上舍

銘

於是胡雲次明府

澤

沛魯寅賓提舉

鄭松

相其地王蓉坡太守

范

杜

晴佳運同

寶霽

王繼泉員外

嘉謨

孫瘦梅司馬

道乾

周一齋孝廉

以均

率老民王尙達董其事

四月二十四日工竣祀神同集三江歸舟作歌

以紀其事

四座且屏營聽歌疏江行疏江之功何白始鑑曹兩江  
匯海水森森列宿照間門門外海濤高抹坤二百年來  
失利導驚沙暗長如雲屯初生都道攔門好大海狂瀾  
迴旣倒漸有沙民負未來後種棉麻先種草茅蓬稍稍  
遂星攢鶴立魚游皆入官官田有稅誰刪得從此江流

大詘蠕江曲流紆沙愈長海潮日日添淤壤量沙南北  
四千弓阻水東西三萬丈去歲飢蛟騰剡溪東沒虞山  
西會稽洪波鼓怒長隄裂盡奪民田養海鯢我察病源  
知在此壅灣中焦利疏理俾山前後等膀胱西匯尾閼  
功所始時維三月春正濃看花一路來駝峯牲牢旣醉  
神曰可畚鍤偕來民盡從初掘橫寬二丈四十日兩溝  
成以次暗水濃沙旋掘旋生土人謂之濃沙不受鉏別相高原拜神  
賜首夏二夜月不光三更神火來堂堂神火光紅鬼燈  
綠天靈海若煩咨商曉來霧散神鰻見南湖涓流飛紫



電忽驅海雨挾天風萬頃銀瀧摧竹箭北海南江倏改

流經旬百丈豁沙頭

燈鰻見後江路忽通旬日之間刷寬至一百二十餘丈

滙船

卽日揚帆入

昔行須四日今頃刻至矣

未暇田間計有秋蓀蓀朔潮

浮極浦昔丑未來今子午浩浩娥江孝女濤昔半月停

今一朝龍駟弭節靈鼉鼓白馬紅旗遞歌舞香花在庭

綵懸戶管絃鷗鴉爲君譜神念民艱錫屢豐民頌神庥

永終古

二十四日往嘯吟

水影星光天四合茫茫晴野蒼烟市巖城漸遠夜無聲

兩櫓咿啞自相答忽躍中流怪赤鯉時吠行人厭涼蛤  
肩頭民事繫隄防夢裏清遊謝壺榼枯渚嘯吟六十里  
不信遙程在臥榻醒來拭眼問俚山生翠紛紛短篷壓  
與王蓉坡杜晴佳魯寅賓周一齋王繼泉孫瘦梅  
陳韻樓范研農俚山頂上看曹娥江作

磴磴盤山上遠空春嵐和霧掩瞳矓一天花落經聲裏

蓮泉寺僧  
終日誦經

九面帆行香篆中

鮮于伯機遊記村路  
詰曲如行香篆中

曲似

人心傷晚近災成年例怪鴻濛試參蕭放移河法樹板

分崖各效功

樹板分崖見魏書崔楷傳  
時分舉董事者插標爲識

傅山口號

傅山北枕娥江綠江水東南凡九曲山東七曲兩曲大

眺角磨盤

地名

相抱束山西兩曲更彎環南匯扇頭

地名皆

衍沃東西相去僅十里竟日帆來如轉轂迴旋黑蟻巧

穿珠朝暮黃牛遲入蜀年年夏漲此徘徊前水未行後

波促決防毀岸不自由沒屋沈田禍尤酷左疆傷右理

則然魚捕之饒各有屬截溝那得王景來推岸誰爲崔

楷續富平四漑待刁雍廣戾三更憶劉馥我此山頭再

躑躅撩清徹壅功須督

宋史鄭戢傳錢氏置撩清軍唐書杜亞傳徹壅通壘

白魚

紅稻從今足此語誰傳兩黃鵠

端午日作

十九年來去國情天涯佳節倍心驚愁憑鑑浦銀鍾酒  
夢繞珠江玉靶笙赤伏符兼菖葉佩絳囊生署荔枝名  
客身不及龍船水歲歲浮花到穗城

并荆江水每年五月大至穗城謂之

龍船水

聞古氏姊赴

五月十三日

我生寡昆弟諸姊如嚴兄季女端且淑提挈從孩嬰不  
見十九年生離已堪驚誰知是死別心事搖懸旌頃得

嶺外書讀半忽失聲家人走相問含淚紛縱橫勸我不  
自勸淚亦江河傾人生非金石歲月方崢嶸

藁砧我同硯食覈少不肥我母鑒人倫人才可相依入  
門屏粉墨操作安疏衣尊章有愉悅先後無是非夫子  
固文雄四十捷瑣闥酬此隱居服報之以翟輦門徒若  
子弟咸識宣文幃宣文彼何人一旦空音徽

晚近世風薄嫂姑時勃谿况聞徹環瑱終身守空閨君  
家嬰兒子孝情無與齊齊之有賢婦同居心不睽夜簾  
共鐙火曉鏡均簪笄積和致康樂何有於羹藜婉孌展

我甥猶憶相提攜孫枝有餘盼存沒今悽悽

昔我方四齡毛詩畧上口嚴君領大義時爲兒女剖課

餘眾妙堂

在元妙觀中

秋風共攜手拾級賦摳衣一蹶占折

首櫝中毀龜玉堂上責典守胡爲乎泥中變折煩阿母

屈指曾幾時兒孫復趨走同誰話疇曩屈指呼負負

四歲

時下階傷首姊爲余受責

義門美三女玉樹伯早埋仲氏失所天尤塵慈母懷遺  
言季不及蔗境已漸佳嗚呼自髫齡得食讓我皆攻苦  
而食啖壯歲形如柴小康愈積儉暴殄憐吾儕焚香夜

必禱况乃方長齋萬羊者誰歟吾生誠有涯

心勞目早枯享啻體逾健已了空花喻未忘淨土願夫

子寄書來中已猶善飯

三月十三日偶感風寒二十二日卯時卒

旬日更三

醫未遽形委頓世人戀根塵床褥苦繼繼云誰考終命

預握死生券從容來往閒撒手不勞勸

臨終了了

死矣知免

夫生者苦長恨

年年夢還鄉還鄉亦何喜念我同產人見面及未死殷  
勤理松楸次第謀婦子勞薪悲宦游花甲數年紀懸知  
驚白髮淚落不能止悼死更何如歎老已如此浮生真

轉燭行李欲誰俟明年縱歸來一面嗟已矣

十四日出城往偃山

一葉烏篷艇呼門出五雲鐘聲搖櫓和鐙影過橋分民  
事隄防急官身跋涉勤鳴蛙如怒客閣閣不堪聞

南園看雨作

長風吹野日倏忽暗亭午一片偃山雲去作曹江雨瀟  
瀟集篷背剡注森萬弩白鳥入駝峯青烟暗蟬浦須臾  
漏日腳乙乙金光挂船頭望天未陰晴隔一鳴可憐城  
中人老不出庭戶不緣行役勞奇景曷由覩



歸棹

濛濛落月挂江烟處處涼蛙吠水田歸棹忽衝魚箔響

不教鄉夢得纏綿以上節鈔越州丁集

二十一日雨

破夢初聞碎玉聲曉窗修颯瓦溝鳴醉餘綠竹烟猶膩

陰過黃梅雨易成也喜分龍占不爽諺云二十分龍也一雨水車挂在弄

堂卻愁談虎色先驚出游待約荆南帥秧水平時看放

晴唐書段文昌傳徙帥荆南民爲語曰旱不苦晴而雨雨不愁公出游

坐雨無憀復作一首

漠漠零陰颺曉颺紛紛密點續輕絲瓦猶有漏衣何恃

笛可吹晴弄不辭三夏天連壬子破

范石湖記古諺云五月壬子破水在

山頭過自己酉庚戌及今年五月壬子皆逢破日而紹郡已兩次報災矣

一官人笑甲辰雌

淫駝沒狗關農務可要虞郎瑞雨詞

二十日夏至

### 余借帆以丈五尺絹屬作梅花戲題

廣平老子心如鐵中有天山三丈雪苦被時人要折枝  
碎玉零珠損奇節借翁豪氣世無過呼龍作繭鳳騰梭  
織就帆材不拾月牛腰遠寄求巍峩老我沈思初袖手  
解衣狂叫忽濡首銀海珠宮羣玉山噴落晴窗兼卯酒

楓鎮君所居地名

華堂何赫曦隆隆下建五丈旗方春試展

鴉叉玉粉蝶黃蜂皆得知君家鄉里多奇絕劉雪章花

流派別

劉雪湖畫雪以油紙糝之章二樹作花祇一筆皆翺格也

借問空山煮石人

知我冰心自紆結禹廟梅龍去不旋湖風湖雨自年年

煩君牢鎖通靈籥莫放珠虬共上天

六月十三日偕杜晴佳魯寅賓孫瘦梅王繼泉陳

韻樓范硯農赴西匯口占

柳老秧齊水滿田頭耘剛趁熟梅天勸農大守吟詩過

認得龍門兩道船

龍門船有兩道三道之別

改到娥江第十彎

自塘角團至南園凡九彎王家埭前一彎又在南園之西

王家埭

北路如環一千五百弓量盡直出三江彩鳳山

改江令西南

行正對彩鳳山麓仍令王尚達董其役

端木叔總屬題劉文成公授經圖

連石坡陀如橙中一人沈衣鳥

穀巾抱杖危坐右侍坐一人頷上隱隱有髭左侍坐二童子皆拱手默聽徐易寫象陳洪綬畫

衣冠陳曾熙贊署

云己丑十一月

震世功名未可量誰知得力在青箱石公遇後方興漢

九主圖成甫就湯教子人言似高密誣民誰爲雪談洋

後來讖緯紛依附始信斯圖用意長

劉文成公書彌羅真人支離子詩十首送元珠道

友演教徑山端木叔總得之京師做肆屬題

我昔喜讀犁眉詩英雄氣概神仙姿嗟卑歎老怪韓杜

安能醞釀出此奇今觀手寫竹堂集

陶鳧鄭方伯考定支離子爲宋黃姬

仲名希且黃有詩集名竹堂今所書詩有竹堂易名堅節一首尤可證云

瓣香乃在黃支離

仙籍淵源有授受水流花開非世詞元珠道友者誰子

徑山演教宣宗規書成持贈意不薄千百五十蟠虬螭

詩及題凡一千一百零一字款凡四十九字

晉法元常有逸迹二王畫虎殊

堪咄乃知塵外世界廣天上寶書森可窺羣仙高會開

自古黃竹白雲情渺瀰或云書在壬子歲洪武五年春  
仲時時公致仕隱碁酒輟洗走避縣有司談洋未免王  
氣譖帝雖不罪心已疑由來藏弓及鳥盡誰能衣繡身  
爲犧留侯晦跡赤松友信陵末路醕酒宜君看此冊致  
瀟灑將我直上青雲馳深心如見託豪素公豈真學神  
仙爲恩恩閱世又四百糊窗覆瓿幾瀕危神物蒙塵若  
有待後來之秀千里遺淵材此富且敵國驢腰布橐來  
京師巨編何減歐史稿永永子孫其寶之

彭淵材自京師驅布橐歸

親友聚觀自謂富可敵國及開視乃李廷珪墨一九文與可畫竹一枝歐陽公五代史稿一巨編也詳見釋惠

洪冷齋

夜話

三四兒入粟杭州議敘得筆帖式入都掣籤且應鄉試頃寄書來同善得戶部傳善得刑部口占

最之

念汝長安不易居閉門塵海惜三餘待成天下無雙士

飽讀人間有用書奔走且安鳬鵬分

魏書官氏志諸曹走使謂之鳬鵬取

飛之迅疾

衣冠防諂馬牛裾杜糠甌餅

樂崧王悅之

如師古錦帳

金爐莫羨渠

七月十三夜獨步上吳山

忽聞秋到試登臺

昨日立秋

秋色憑高步步開風捲市聲穿

樹去月浮江色入城來異時送客吳楓冷

戊申七月饒月朔觀察於

此自後未嘗再遊

中夜懷人越鳥哀一樣星河光影裏西南兵

氣怯昏霾

廣西土寇未平

### 十四夜蕭山道中

蟬聲如雨送斜陽敞盡篷窗納晚涼風入繡絲交遠韻  
月穿雲背出奇光坐聞露氣知苗長行過花陰覺藕香  
拚與棲禽同不寐臥游誰厭水程長

### 書所見



屋上青山屋下泉，稻疇蔬圃只門前。  
稅完無犬花間吠，耕罷從牛水底眠。  
樓迥每邀雲共住，身閒應以酒爲年。  
一刀兩火今猶昔，誰道塵中無地仙。

紫石山卽謝太傅東山也

紫箬森鉞塞太虛，一江秋影照芙蕖。  
山高未落堯年石，洞古應藏越絕書。  
東晉笙歌聊復爾，中年哀樂最關渠。  
尙教兒輩能妨在，疏水簾瓢倘不知。

清風嶺用呂不用嘯江夜泊韻

怒石奔江勢巉絕，鷓鴣啼罷行人歇。  
孤芳落落灑清風，

血字行行照明月千騎東方亦不薄兩姓北行非所樂  
倩問餘姚謝道清臣妾僉名尙漂泊

次明林概刻中野思韻

濃青界水晚苗齊壓隴新黃早稻低雨渴尙遲三尺透  
雲多常恐四山迷天台路近花應落酒蕩峯危日易西  
砦壁誰能尋謝屐空吟高館對迴蹊

三溪

浩浩三溪渡沈沈大樹營風來篩柳色雷入轉灘聲近  
市山仍好登雲路始平涼蟬四十里催得馬蹄輕

南巖用謝康樂石門新營所住四面高山迴溪石

瀨修竹茂林詩韻

深洞闕多竇高崖懸一門逕危秋筍挂磴滑春苔捫內  
蘊幽莫測外美浩已繁僧雛捷身手導引情彌敦探林  
憩行幄漱水銘窪樽莊嚴仰大身幢影隨飛翻山岳體  
具足虛空神不謖巢頂任羣鳥皈心降老猿千年墮黑  
闇一旦明宵暎遂令村野人至今來駿奔錢俶癡愚子  
亦有佛性存迢遞降游輦恍惚招吟魂俶曾游此與羣臣賦堯宇韻詩  
今刻蕭然坐懷古難覓遺民論

由新昌旋嵯望東北山起雲作

北望認雙尖石門最高頂積翠隱星辰連青混峯嶺潏  
然一絲上似欲答祈請觸石渴不靈聚散怪俄頃空煩  
雷聲殷待訟風力獷東顧四明心亦復變光景終焉成  
曠乾誰能厭泥濘嗟此東北鄉民命孰爲秉天意方憊  
僝臣心實恻恻夜來問河漢默坐更三省

嵯南途次望見石門山頂用康樂登石門最高頂

詩韻

喧場有寂境出世無幽棲綢目來高峯洗耳逢清溪傳

聞石門頂謝館餘荒基望中山色滿夢裏經途迷瞻鴻  
遵枉渚尋鹿迷前蹊久知夜猿歇猶感春鷓啼邇來二  
千載雙屐誰同攜茫茫問空山綠遍烟中萋閑緣不難  
寄心寫仙山出塵果拂袖登天詎無梯

宿聽雪山房用康樂夜宿石門詩韻

殘蟬戀高柳柳衰蟬未歇永夜陪征人吟此簷際月南  
巖想幽翠東首待明發草露方縱橫誰能坐超越道人  
似解事鐘鼓遲考伐一夢墮空明消槃正晞髮

嘯浦用康樂初發強中詩韻

造懷興有極任抱理無近因事適遠情望古發修軫平  
空愛水石捨去孰能忍動靜有真機大造不吾隱隱見  
信輕舟乘風聊泝流王謝澹蕩人茲焉曾共遊事殊降  
北渚情愜登高樓古今一俛仰陳迹杳勿留留名誠可  
歡沒世良悲歎謝元任履屐鄉人見其端一朝成功去  
餘榮被林巒謝元淝水之役鄉人多  
之改嶠山爲成功嶠汗青待頭白念此  
心如攢攢棘勞寸心長鳴鶴在陰誰言志鐘鼎必爾異  
邱岑康樂戀始寧遺緒或可尋嗒然蓬窗臥風水聽元  
音

王象之詩集卷之二  
王家匯水亭上望車騎覆卮諸山用康樂山車騎  
山經太康湖瞻眺詩韻

僻地隔人境到眼皆奇峯問名半不識遙指孤生松直  
隴去已遠喧澗冰瓏瓏覆卮杳何在棲巘雲濛濛我來  
寄遐矚常懷古人蹤想見威遲閒秋水闕春容石積去  
年雨鹿養寒天茸葳蕤拾堯韭來往呼樵風遊人不知  
返路遠花重重甚欲謀團焦誅茆無與同誓將散髮去  
不與人間通

始寧漫興

謝公池館長蒿萊清福能專也要才峯好已聞司馬悔  
溪深曾賺子猷來穿籬晚筍抽龍角繞石秋花護鹿胎  
如此山居空作賦始興難覓望鄉臺

嵯上途次雜詠

始寧初見謝家山三界村前紫翠環

三界鎮會稽上虞  
嵯縣交界地也卽

古始寧

借問宋時回向廟風雷一夕轉花關

竹簾牽過白沙灣王匯亭前四水環合讓聾奴有癡福

全家日對覆卮山

一聾叟於  
亭上賣茶

小江渡口渡船輕放鴈還兼載客行北岸蟬聲招我住



柔桑陰裏午風清

石磴盤雲翠鑿成松風借與片時清五坡嶺上休回首  
東隔五夫猶數程

樹碧山青水蔚藍綠苗黃稻影含含白雲更襯朱霞出  
供與行人慰眼饑

焰焰紅爐赤日傾行人亭午汗裊成蕭閒誰似涼蟬好  
只揀綠陰深處鳴

隱隱雷聲轉暗潮也知驟雨不崇朝唳新會上田如瓦  
莫吝天漿益一瓢

李見山茂才以素綾屬李香緣司馬索畫梅花秋

暑揮汗應之并系以詩

鐵老書筵金髹黑見翁吳綾粉爭白遠屬詩人索畫來  
定知綾主非凡客我散天花滿越中手開爐冶鑄春風  
九天珠玉紛隨唾不救庾郎三九窮朝來渴硯蕉花裂  
日炙鼠須如屈鐵愁絕江城一笛花和雪和風爲君折  
折來同證歲寒心人世冰霜深未深好貰麻姑田畔酒  
伴渠陸凱隴頭吟

七月二十九日渡錢塘江作

時奉調  
監試

江水接天流錢塘又早秋往來同社燕漂泊見沙鷗可  
有煎茶興先期折桂游與述之預為滿家弄之約求賢亦王事珊網  
看人收

月中登明遠樓柬朱述之內監試

行臺老桂過頭發煎茶人去潮聲歇報君一事惹君愁  
明遠樓頭千里月月輪不隔內龍門萬卷文光照霽雲  
一萬二百四十六卷誰歎日昏昧五色誰誇筆健掃千軍憑君號  
令催添燭鵲立白袍紛拭目當階及物揖雍容悔不當  
年三禮熟題為必也射乎揖儘教飛紙滿樓前名榜今

年世早傳老宿經生多少淚一時翹首望回仙

宗滌甫書來言

同道人來主文衡浙中經生老宿有生氣矣

閏月十六日晏彤甫招同羅子揚葉青原兩太守

陶珠泉程介筌兩司馬集蓮衣上人蓮舫早飯

放舟遊石佛寺得詩二首

三年消息隔湖山

不到湖上三年矣

一日塵勞暫放閒柳弱已

能搖夕照

蓮公新栽柳數十株作補柳圖

荷慳不爲駐秋顏人來漁唱

菱歌外禪在穿衣食飯間

方謀齋糧

寒具正香書畫好共貪

茶畫不思還

出所藏漢碑及諸書畫共觀

仙侶舟輕晚更移別攀藤葛避旌旗

是日大府陪兩典試自靈隱放舟遊

北石頭作佛修來福

寺中大佛頭就山石鑿成

樹腹通人劫後枝隨

地文書誰復判當湖晴雨尚能奇

寺即古相光院坡公所嘗判事處也梁楚

香中丞為補書

十三樓下行吟久心折詩翁壁上詩有

雨亦奇樓額

某中丞留

十八日陪庚子先方伯

長

慶雲浦廉訪

廉

劉元圃

觀察晏彤甫太守湖上朱莊奉餞呂鶴田少空

賢基

沈經筵編修

桂芳

飯罷同過淨慈訪六舟

和尚觀所藏懷素千文真跡

背郭園林面水堂白蘆紅蓼點秋光種花客去魂猶戀  
主人朱氏已歿風月載酒人來話正長江海深情關井  
里經綸餘事到文章歸來

前席咨民隱平準書成慰眾望

昨日開東西海塘席間談及錢法宜變

又隨小隊過西塍問訊湖南金石僧萬壑秋聲黃葉寺

一龕眞派綠天燈拜書圖秘題難遍

六舟有拜書圖

借鶴詩來

和未曾

寺中飛來兩鶴頃爲吳晴舫侍郎借去

肯與禪床安旅枕掀翻四

大我猶能

擬宿寺中以人多弗果

題張薌谷副將

蕙

海上行軍圖

君揚州人道光壬寅五月官松江提

標中營參將禦夷於吳淞江口  
中火鎗火箭傷三死而復生

忍說東南海水飛吳淞江口合重圍誰為公祐膏肓疾

敢敵孤延霹靂威十萬蟲沙天有醉平生馬革願真違

墜崖魏勝嗟何及血裹昂藏鐵杖歸陳忠愍公化成先中礮殞君顧張進

士護其屍出入陳復戰乃及於難

趙立傳聞再夕蘇昊穹垂祐共謹呼無端蛇鳥收旗幟

猶有魚龍認舳艫存審箭瘢駢肘腋幼平刀刻到肌膚

貂蟬本自兜鍪出抵得凌烟閣上圖甲辰召見命詣軍機處驗

傷賞

戴花翎

錢清道中

野曠人稀村事幽，化機剛與此心謀。  
垂雲惹地輕仍上，遠水黏天靜不流。  
社已無衝雨燕，漸寒仍有課晴鳩。  
無營誰似山僧好，負手前溪看放牛。

以上節鈔  
越州戊集

蕭山道中

暝色空濛入遠郊，蓬窗看盡鳥歸巢。  
貼天月子金盤轉，截水風姨玉剪交。  
跋涉艱難知旅況，冰霜消息玩坤爻。  
三年聽慣哀鴻集，盼得田歌暫解嘲。

十月廿二日早發杭州卻寄朱述之



來時寶月燦重輪看滅清光到五分人事恩恩爭曉日  
歸心心念逐浮雲雪慳隴首花無信霜緊風頭雁失羣  
閒煞總宜湖艇好筆床茶竈最思君

寒信

二分寒信到天涯一片輕雲望眼遮細雨村原齊種菜  
疎燈門巷半篝花叫愁莫許裙腰笛破夢難憑紙裏茶  
清絕客程無一事微吟時和櫓咿啞

舟夜

連雨催寒入客衣白鷗烏榜共忘機靜聞擣夢雲溪碓

聞恒迎神野廟祈蟹簪涵星燈火亂鴻泥界潦稻梁稀  
蓬窗未敢拚高詠爲有船頭大字旗

江鄉

暮歷炊烟胷落暉渚花汀草晚霏霏催租人認烏篷艇  
娶婦家泥白板扉鷓鴣倦暫依漁箔睡牛閒自趁鴈羣歸  
豐頭歉尾須持儉莫厭江鄉生事微

秋興用少陵韻

昨夜金風動桂林人天秋思鬱蕭森籬腰花事催寒信  
雁背雲羅釀夕陰意氣漫誇豪士賦是非不到老漁心

一麾江海憂時客永夜聽殘擣夢砧

決口驚傳百丈斜又聞河餉轉京華塞源未用天孫石  
輓粟難憑博望槎溜勢北來春午枕哭聲東去掩秋笳  
可憐陸海輪租戶半作魚龍舞浪花

於廓扶桑漱曉暉銀潮一綫看初微忽掀六島靈鼉起

欲挾三江彩鳳飛

八月朔日潮過三江關梁二尺彩鳳山在關東

今日保塘差

慰藉當時築室半依違

山會蕭被水利害田一百一萬六千二百七十畝按畝捐錢加

鹽商合捐錢十六萬七百三十五十緡擇紳分修江海  
石土塘一萬四千九十二丈九尺上虞被水利害之田  
十萬一百畝捐錢七千緡修石土塘三百九十五丈茲  
甫告竣適免潮患當始事時人持一議不能無依違也

兩年留得災田在還汝冬筵稻蟹肥

覆局那堪劫後棊飛來海水足驚悲徒聞面縛牽羊語

可是魂游入釜時赤白探丸仍自得風雷破陣已嫌遲

奈渠穩喫藏風便偏許元戎賦遁思

粵寇布興有以七艘擾山東江蘇南

至浙洋聲言投誠而剽掠如故且詣石浦索兵費鉅萬定黃溫及登州崇明五鎮浙江提督各統舟師分屯海

澳云俟順風方能與戰今幾兩月矣

人畫休論陽朔山遺黎性命倒懸間地當藤鼓仍名漢

宴比崑崙未破關親故從軍無遠信

謂德金谷總兵彭星舫太守王少鶴

主事錫振劉福生防禦安基

朝廷籌筆少歡顏殷憂啟

聖關天意莫怪苗師尙未班

刻責誰憐子羽頭扶搖爲要及高秋空隨天上爲郎後

初試人間失解愁

同善鄉試薦而未售

我已望林同倦鳥汝當歸

海狎閒鷗年年空作還山想卻望杭州作廣州

無過須知勝有功支持門戶廿年中斗升莫貸窮鱗水

九萬難禁塌翼風蕊繁墓田梅月白秋拚行李柏霜紅

小同志膽今何似端合攜來慰乃翁

慮善將攜康孫來

塵塵仕路日逶迤夢夢田園月滿陂決背雲霄愁鶚羽

用心霜雪許梅枝  
強臺百尺危難下  
薄宦三年拙未移  
搔遍白頭風露底  
燕然名姓看人垂

書望

聽厭年年澤雁  
嗷清遊容易到  
吾曹田光泛野黃千頃  
山色搖江綠半篙  
打水成花漁陣  
肅入雲標字酒旗  
高江村隨處皆詩料  
自笑蓬窗引領勞

十一月朔日長至

重樓初九數新寒  
人事天心剝復間  
四海一陽回朔日  
五更三點想朝班  
萌催鳥扇春將動  
氣驗黃宮歲又還

如水光陰供棄擲廿年風雨尙關山

癸巳至日自廣州之藁城寒雨連江

宛然在目回首已十九年矣

### 題姚梅伯西山紀遊圖

有口不食五侯鯖有足不作望火馬  
大梅東自吳會來不見吳門當道者  
大梅隨身一尺圖吳山明嬾吳江紆  
爲言自買雙不借西山澆遍尋山壺  
西山逶迤富林壑天半支型有先約  
范希文宅讀遺碑支道林居訪孤鶴  
東峯西峯南北峯一峯一澗泉丁冬  
泉根漱雨石銅骨峯頂薶雲花紫茸  
花迴澗轉靈巖出香逕琴臺繞崙峯

憑欄一洗芥蒂胸萬頃銀瀾太湖溢此時懷古斜陽低  
後皮與陸前種蠡洞庭搖青不肯顧卻被穹窿要詩去  
穹窿隔水迎松濤紅日既低明月高夢中邂逅赤松子  
餌君桂實觴蒲桃留君飲君君不住君家舊種珊瑚樹  
去尋東海釣竿風君家鎮海歸剩西山錦囊句吁嗟乎幾人  
泉石說膏肓出見紛華喜熱場亦有山林稱樂志水俗  
山凡無一字葉水心北村記云余海濱之人山凡水俗江山千古待人傳恨  
我未從書畫船君不見滄浪亭子四萬錢風月至今歸

寓賢



題童二樹畫梅花次原韻

生怪梅花也世情三生偏與此君盟年來見畫皆奇絕  
不負山陰道上行

十九日六十初度

六十平頭奈若何未來悠忽去蹉跎曾交李杜文章伯

謂熊笛江譚  
玉生諸君

尙及由求政事科

謂劉玉坡制府  
卞光河方伯

位業無

憑從論世性情已皺怕觀河廿年宦況成何事歸去猶

慚安樂窩

擬置屋  
不果

浮生老病苦無端來日茫茫事大難晚景兒孫睂一展

童年歲月指纔彈不辭負蠟泥中辱便恐陵窮壁上乾  
桑村橘洲無分在違心總說是遺安

悔將涼德召災年今日蘇州媿奉錢捧土可能填巨海

築臺空自望炊烟戶收紅稻償前歎政數青州想昔賢

勞汝邦人歌樂職淚襟迴首尙潛然

承諸紳耆製屏懸扁兼贈詩歌增汗

顏以上節鈔耳越州已集

### 十二月十二日雪二首

去冬天雨珠今冬寒複襦今冬天雨玉明歲廩盈粟珠  
玉世所珍襦粟天養人世寶可貨取天休和氣臻東中

積苦潦元氣損已深從茲兆連稔再拜蒙慈仁

黃水秋告決豐沛人其魚傷人事則已咽喉妨輓輸空  
艘復阻凍新漕當何如側聞八桂林頑梗未剷除遺黎  
剩筋骨田地皆荒蕪豐年縱有兆不到兵荒區

皇心日紆鬱宵旰思良圖嗟我肉食人誰能宏遠謨

十四日迎春口占二首

堂外千巖玉隱嶙依然舊雪待新春越來溪共年光轉  
秦望峯排喜氣勻已卜麥疇看翠浪卽思柳陌踏紅塵  
東皇子細分暘雨償汝熙熙

盛世民

陰晴如畫候更新著意今年作好春薄日弄雲纔有色  
微風扇雪了無塵笙盆頌得豐穰兆錦繡衰慚老病身  
鼓吹斑蘭君勿羨也思田舍作耕民

壬子元旦口占

墮地當時事偶然茫茫回首大羅天穿衣食飯須臾頃  
又到人間壬子年

劉元圃觀察自黃山覓製黃精見寄謝之以詩

堯夫不肯作神仙上藥如山積枉然千里封題紛鳥獸

八行書札煥雲烟試香短甌依新法

常南陔中丞在棘闈中嘗爲觀察及

余言煮製黃精之法今茲所贈皆如法製精熟無熾託命長鑱慨昔賢笑我羅浮

拋撇得卻從黃海乞長年

汪半顰畧似人形圖

壯歲走天下晚耽容膝居雖無輭腳酒猶有等身書

時鳥方變聲庭院綠陰寂世無陶淵明誰告儼修佚

空山木石居見似人輒喜試君江河量位置喧囂裏

惠施據槁梧嗒然喪其偶仍聞鳶巢肩不礙柳生肘

皇兮混白雪世聽殊可憐半顰固自好留一待鈞天

魯堯仙光祿以所藏倪文正公尺牘屬題偶有所

感得絕句十二首

舊害初興尙可爲手徵履歷是生機卜年算定犁眉叟

卻遣文孫亂是非

書云履歷付上宋明史本傳入年遷國子祭酒帝意嚮之爲溫體仁所忌

一日帝手書其名下閣令以履歷進體仁益恐會誠意

伯劉孔昭謀掌戎政體仁餌孔昭攻之言其妻陳尙存

而妾王冒繼配復封

體仁票旨落職開居

直道當時未盡亡翻緣毛刺賞清狂掌科鑼鼓方盈耳

金闕排雲忽換場

與三蘭兄書云題試之日弟已打作掌科鑼鼓順手揮去而閣師交日其

贊云云謂散館也案年譜公文多指斥及集議葉文忠曰倪某無論文字只三年來無片刺及吾門已加人一

等矣乃留

公翰苑

偷活沈吟向草根元家早歎一燈昏孤忠試看忠誠府

詩一房中五日

元家書云入闈得士二十四人首卷楊

不佳從此元燈絕矣長安士論甚詳楊卷已定元五日

臨時忽然換下緣當事爲李太虛所惑其實兩主司在

關中大唾吳卷謂當糾參而竟用壓榜始信鬼神之事

不虛案年譜崇禎四年會試公分詩一房是科會元爲

吳偉業云云梅村絕命詞恨當時沈吟不斷草根偷活

明史楊廷麟傳至顓謀大舉加兵部尙書兼東閣大學

士賜劍便宜從事萬元吉傳

唐王聞顓圖久賜名忠誠府

特達新知荷九重外廷疑信尙洶洶烈皇所欠惟冰鑒

五十樞臣共一廚

顧湄梅村行狀時有攻座主宜興相者借先生爲射的莊烈帝御批其卷

有正大博雅足式諱靡之語言者乃止或謂梅村之元  
乃帝手自拔置故古意詩有手犯定情金合子九原州  
見尙低頭之語

寧薊連年兵變多吳橋又見倒前戈書生只辦搥牀歎

神助韓陵待若何書云叛卒破七城如破竹今且據登

之所生心蓋不在今日也案通鑑輯覽崇禎元

年寧遠兵變二年薊州兵變四年閏十一月孔有德等

兵敗於吳橋書中即指此事北史高歡與

余朱兆戰於韓陵爲圓陣以待若有神助

叩頭枕上苦求歸漳浦黃石長洲徐九早見幾畢竟

蘭難久戀催來南拜殉朝衣家書云凡同衙及門生之

哭叩頭令感動爲吾合力懇求政府且不齎九一諸君  
已去而吾獨留享寵榮有觀面日視人罔極詩其謂我



乎吾思親既甚而進退之道頗嚴而決以此自存顏面耳  
案年譜乞歸省在崇禎五年既復入都為劉孔昭所攻落職  
十五年詔起兵部右侍郎明年抵都超拜戶部尚書通鑑  
輯覽聞變北向拜帝南向拜母自縊

絕而

卯君燈火渭陽官操語殷勤又府單曾向蓬軒觀類稿

白余門戶耐清寒

家書府考的在何日府單何日進有祝孟鴻可開上此非貨取相見但應

承不可責以常例也又書前府單弟似太拘執可惜付之一擲以吾名帖進可得十二名即不如前書資弟燈火云云但擇親宗密友中資才可進者仗義為之亦一快心事也又書二舅舅事時下操臺正在議換如得其人而記為穩若寄信求官此萬年不得者也案黃比部暇蓬軒類稿本朝大臣不以軍功官子弟者白恭敏公余肅敏公二人而已

煌煌要典付焚如哭倒孫郎信有諸門下諸君偏好事

官書纔燬刻私書

本傳請燬三朝要典命會議遂焚其板侍講孫之獬忠賢黨也聞之詣閣

大哭天下笑之與王堦書云永教災木抽疏恐徒惜人唾耳都中先因將歸門人爲刻數種特附請正奏牘以此爲定本賢堦所刻者恐向時鈔本或有訛誤乞逐字校對發行爲便也

惡欲沈淵愛鑄金廿年射的注東林中行狂狷誰分別

賴有高言止眾心

本傳上疏曰東林天下才數也而或樹高明之幟繩人過刻持論太深謂

之非中行則可謂之非狂狷則不可

倪祁荒政助諸侯雨點蒼茫憶滿頭二百五年文字複

人傳後起繼前修

崇禎十四五年兩浙大飢公與祁忠惠公皆在籍祁縣荒政多籍兩公之

力故有天漏沒補法爲餒爲魚不知所底及歲飢拋荒  
筆視文債如山滿頭兩點及貧生周官業開送頒賑諸  
書道光己酉山會蕭上水飢宗滌甫侍御王蓉坡太  
守適在籍助余賑務計去崇禎辛巳二百五年矣

七斗三時切救災浮圖會上卽蓮臺至今良法留鄉里

始信仁言利溥哉

書云貴族諱光銑者其季郎求入浮圖之會案年譜又創爲一命浮圖會

序畧曰不假多施但占一命計自春暮以及秋中爲期百有四旬量米日纔五合不過七斗已閱三時爲此功德勝於浮圖云云道光庚戌紹屬仍水災余併舉公此法雖廣勸行自十二月至於四月每一大口日定給錢入文除至親服屬外能保若干人卽將所保之姓名開列張帖門首官籍記之所保之人仍當出力助此家粗重之事

誰見中台感一瓢不辭宋賈悅人嘲罰金斲指心良苦

待掖鵬程上九霄

家書云無聊之中詳核星衡弟從前未經佳境明年丙子如不高捷卽就

吾指并罰銀五百兩此吾十年前相定此科今覆視之益堅定且賤造中應得雁行接翼六弟已矣自應萃華於弟萬不失一惟願鼓銳致功以人事副之耳云云此與四弟獻汝書也獻汝名元瓚考府志崇禎九年丙子南闈上虞只曹應登徐景辰二人中式文正之言不驗蓋亦借術數之說以誘掖之耳劉勰新論微子感牽牛星顏淵感中台星史記日者傳二君曰夫卜者多言誇嚴以得人情虛高人祿命以悅人志

選門山北天設堂隍若建樓據之絕勝地也異時

必有好事者題詩記之

人事成天險烟雲入斧斤臨江開絕壁終古漾斜曛他

日樓臺起半空鐘鼓聞題詩記佳讖擅者感吾文

感事四首

月椿黃鞠新規偶語村原峻法隨放手久供胡母橐  
傷心仍值右丞椎人傳器用先遷許民報搜牢枉燬郿  
曲突有人曾致語焦頭爛額悔那追

吾子中男月食便向來權利盡山川官綱總占畸零界  
亭戶頻輸貫率錢自倚挾山能壓卵那知積羽可沈船  
得情失道誰矜汝世有陽膚願執鞭

誰云殺運白天開去就堂堂爭得來事異耘耔分莠稂  
慘同圍掩盡天胎選鋒特賞椎埋技催戰偏傷柱石

十里寶幢河上水從今流恨不勝哀

戟轅如水午香清一擊翩然忽遠行自許公才齊管樂  
人傳妙手比空精殘潮嫋嫋船旌影斜月蕭蕭班馬聲  
花嶼柳汀風雨在琴樽億促負生平

無題

雲連函俗甫雞鳴日照潼關吏又迎戰勝古聞喪弔禮  
奔亡今有笑談聲一官我早輕王溥百口誰曾保彥卿  
不信青油重幕下忍將威面作宣明

復爲仲雲中丞作巨幅梅花漫題其上卽送開府

滇南

蛺旌幾日出金臺

時方人朝

金碧山川望裏開黃鶴樓高吹

笛過黑龍潭古訪花來

潭上有唐梅

眼青復見江南物頭白

還思湖上栽厯試冰霜誰會得側聞商鼎要羹材

戢山書院西齋偏爲海天旭日齋劉子取其藏硯

名之者也歲壬子余聘宗滌市侍御來主講席

適侍御六十一歲有以畫圖爲壽者寫此景甚

工張之齋中名實符焉乃爲題詩圖上並補書

齋額

擾擾紅塵海昏昏欲界天能迴長夜夢端賴旭輪懸劉  
硯傳經地宗圖介壽年後先符節合一脉要仔肩

天竺道中

十月二十七日

城頭霜氣入防笳不道仍占早晚霞聒耳龍風驅萬騎  
當頭虬樹集千鴉身悲落葉渾無定生比明湖亦有涯

西湖水湖  
月餘矣

獨訪高僧話疇昔茫茫世事感搏沙

道出淨  
慈順訪

六舟  
和尚

日暮途遙且放歌我生何事不蹉跎認花尋澗寒聲遠  
隔霧看山變態多鵬鳥賦成疑造化桃源圖外卽風波



懷古田舍詩卷六  
庭瓢果是江心鏡不惜勞筋日刮磨

宿天竺三首

心逐閒雲上遠峯出城斜日已高春香花常繞三天竺  
空翠低迷九里松何福能消常住飯有情愁聽出林鐘  
會當借與田家屐田水聲中快倚筇

拾級尋秋步紫苔一重一掩畫圖開晴霞不散耶當嶺  
斜日剛懸歡喜臺黑白雲花猿影幻雌雄風陣雁行哀

依然月戶泉階裏不共周徐對榻來

候家讓木  
大令不至

難得官身一日閒雲香山淨且高眠看經緣淺空尋寺

占兩心殷屢聽泉月色舊時侵戶冷風流今日過溪便

楞嚴和尚導  
游山前後

真禪自不關文字辯訥無心一惘然

是日詣韜光宿口占四首

筍輿搖兀趁斜陽漸喜疏鐘出上方暮色遠來收島嶼  
秋聲西下合松篁青笳滑笏穿雲背白綫彎環認海光  
千古龍宮傳好句明朝浴日看蒼涼

秋聲如海此高眠欬唾真疑落九天世上幾人能棄屣  
宵來有夢卽游仙楓江潮上明漁火竹徑雲歸咽石泉  
寄語孩龍休戀睡下方春麥待翻田

低頭讀畫仰看山一寸秋心費往還  
胸次從今有叩壑眼中何處著荆關  
相公白首書同老公子烏衣夢久慳  
留配唐詩作三絕林松澗竹有矜顏  
映夢禪畫韜光圖  
劉石庵題存寺中  
可配駱賓王詩  
爲韜光三絕

四山霜曉尙惺忪不辨南峯與北峯  
竹簟泉聲流送客松門雲氣氤留鐘  
湖光已失空明界山色誰攀紫翠重  
擾擾又隨塵事去不須泥雪記前蹤

初三日下山作

四山分曉青一徑闕寒綠霜篠淨如  
揩風葉來不速林

鳥嬾於僧尙抱歸雲宿時聞竹間泉鏘然夏寒玉  
萬竹抱嵐翠泉光時滅明微風盪輕靄不陰復不晴須  
麋混一綠心迹盟雙清山根試回首一杵疏鐘鳴

西湖歎

怪事傳聞駭人耳今年火燒西湖底湖乾六月逮十月  
葑草如人長未已牧童敲火偶遺星寸燄橫飛俄十里  
溝中枯魚臥而泣篝畔妖狐鳴且喜延燒恐及河伯宮  
赴難定煩蒼水使幽明異域何太逼傳語溫郎論道理  
眼底茫茫見劫灰西域胡僧識終始憶昔春風縐羅縠

烟膩雲香鏡奩裏時照紅妝畫船出又漾清歌柳堤起  
自從白蘇極游宴一千年來盛無比胡爲轉瞬有榮枯  
清淺蓬萊想如此遂思開田便窮餓妄擬閉門作天子  
人間萬事豈有常昨夜雪花行且止曉雨廉纖變雪珠  
盈尺兆豐應可俟冰流活活來四山依舊湖心春渺瀰  
草灰糞湖魚正美宋嫂店前容染指

天竺謝神道中口占

閉戶何由得大觀出門一笑儘荒寒北南峯剩雙尖露  
裏外湖從一白漫到此方知松柏貴有人猶歎稻粱難

磬磬中澤哀鴻起誰奠災黎衽席安

金華七縣待賑

郎當嶺卽妙高峯靈竺溪山紫翠重水腹已堅寒自咽  
雲腰未斷白猶封松篁肯作乘時態狐鼠難藏過去蹤  
物理靜研皆有味疏林深處忽聞鐘

濤聲九里認松牌行過瑤池

六舟戲謂西湖已成瑤池

到玉街照水

新篁齊拜倒入雲殘塔半藏蘊

南高峯塔

習池未擬陪清宴

蕭寺還從乞午齋差喜故人中道候無生談罷暢幽懷

大府至平湖秋月便勘湖工余與晏形甫都轉留寺午齋六舟先自淨慈來候

蓬萊清淺古來傳又見西湖旱作田稍積飛雲寒釀水

尙餘枯葑亂含烟身閒竟欲栽花隱性急真思買雪填  
方擬買辦取總宜船子好春來春色看無邊  
雪填湖

十三日謁客江千萬松嶺道中作

人家渾在雨聲中不道熹微嫩日烘雲戀湖村微徑失  
風回冰谷暗流通忍寒短髯憐飢雀留爪長途感去鴻  
舊識青山頭白盡一林烏柏向人紅

直須高處放雙眸一色蒼茫大地浮白到十分原易汗  
積從盈丈究難留挽衣剷藥誰空返送客看花儻自由  
遙指酒旗林外捲竟思沽飲對鳴騶

吳山望積雪

城郭湖山一色新  
花園田畝較量勻  
添肥不稱寒梅格  
積厚從教柳絮嗔  
除道待尋高臥客  
望烟知有未炊人  
淺斟低唱誰家院  
已遣唐花漏洩春

湖山雪望

宛轉雕闌俯翠微  
詩心遠共嶺雲飛  
天邊薄曉纔分色  
雪後餘寒尙作威  
塵土汙衣人易老  
泥塗爭食雁難肥  
不須更說羅浮夢  
只爲梅花也合歸

江干曉發



疏星殘火燄幢幢  
焚白船深敞四窗  
雲透曉光來遠岸  
雪融寒色入空江  
銅琶一曲豪雖減  
鐵弩三千氣肯降  
搔首放懷天地外  
忘機誰似白鷗雙

韜光作

到來常恐去且作畫圖看  
竹徑鐘聲暗松門日色寒  
潮生嫌地窄雲散得天寬  
輪與僧雛好終朝獨倚欄

以上節鈔

吳越上集

癸丑元旦

留爪東西感雪鴻  
恩恩六十二年中

皇恩卻許杭州住  
吾道仍安陋巷窮  
修禊風流緣未合  
擬癸丑年修復蘭亭續  
還山消息夢頻通  
洗兵且盼長  
爲永和之會調任未果  
沙信醉舞

昇平四海同

初二日北山作

經時秋旱失西湖  
慰眼春來水復蘇  
纔借雪花融暖液  
已涵山影作新圖  
問梅消息知多少  
入柳烟光半有無  
放鶴亭前憑弔久  
水仙伴食未爲孤

紅蓋青山點綴新  
沿湖簇簇盡春人  
輕陰未散仍含雨

淨綠初生不受塵對佛漫開談事口看花誰是自由身  
羣公憂樂關民物暫許羸官賦采蘋

登尖山絕頂

暫求高處寄吟身四顧蒼茫已出塵猶有孤帆來破浪  
不知何處始無人浮空日月雙丸小入隘風濤百態新  
卻怪轉鍼留片石故教人世作迷津

正月十三日發海昌

天上潮雞戒曉征疾穿雨罅出江城風迴海向烟中出  
隄轉人從鏡裏行殺水有方誰指授買田無分此躬耕

衰羸祇仗肩輿力也共奔帆競去程

聞鎮江不守

美酒雄軍舊有名長江天限古來爭中流砥柱金山寺  
南北咽喉鐵甕城哭到守陴疑誘敵亡先越境恥言兵  
似聞冷笑雞鳴廟鬼爛神焦死太輕

題陳朗山北行草卽送其歸羊城

此行何所得世事不堪云幸有江山助常攜冰雪文衰  
庸休似我明發便思君一片還鄉夢相隨度嶺雲

書事

驚魂未定復西馳截葉天門坐鎮時

陸大司馬自九江奔回

京觀

表威方準擬嶠函收骨枉歔歔恨無斬國中軍鼓先倒

潼關節度旗對出青山青似昔從今羞誦謫仙詩

龍蟠虎踞帝王州木柶從來忌上游銅馬妖氛今復起

金陵王氣此全收

二月十一日失守

紅巾驟改烏衣巷血浪濃

濺白鷺洲四十萬人同日死傳聞猶恐鬼神愁

駐防旗人二萬

口逃出婦孺老弱百餘人耳

紫金山曉禁城開轉眼飛甍換草萊迎妾共尋桃葉渡

避兵須上雨花臺

聚婦女而選之二十五人爲一隊雨花臺上賊營最堅不能破頻聞

方叔歌三捷肯信陳王賦八哀如此長城堪萬里古今  
多少出羣才

欲問秦淮舊酒家難將深怨訴琵琶牆分三品公婆石

院鎖春風姊妹花

男女分院禁之夫妻許隔牆相見不分輩行概以姊妹相呼

仗節

快聞眞國士抱關忍就老生涯

有品官受賊給餉爲擊拆巡夜者

如何

楚戶遺黎在不及螳螂尙拒車

### 旅夜

旅夜逢窗獨引杯無端行役且徘徊閒鷗睡穩憎船過  
明月生遲待笛催水驛音書多赤羽江城風雨又黃梅

清談好在王夷甫重見金陵變劫灰

繡溪

繡溪塘北畫圖開水鏡分明養碧苔一一橋簷天際出  
雙雙帆影月中來

漁兄漁妹好生涯到處牽船便作家不管人間是非事  
只隄閒採蠟梨花

聞臨淮股賊已過河至東阿一枝分擾汴京

殘燄無端勢忽張纔聞江北又淮陽山東可遂無豪傑  
天下從渠幾霸王上策古聞爭大峴遊軍誰遣過清漳

都城雅俗須人鎖端拱高居賴我

皇

平波臺詩

在鶯脰湖中  
奉張志和像

浮家偶爾學鴟夷終古烟波占此陂  
三百里無山一寸天教西塞入君詩

碧藕紅菱也算田吳娃解刺櫺頭船  
我來已過桃花水贖有銀魚出網鮮

樵青漁翠佳夫婦配食猶依水竹中  
一語賺渠開笑口累君千古作癡聾



鷺脰湖風吹宿醺筆床茶竈訪鷗羣嚴陵太拙磻溪巧  
斟酌生涯愛此君

漁子漁孫道不孤漁歌欸乃出菰蒲前飛白鷺如相識  
我亦珠江老釣徒

人世風波紛可憐老漁日出枕簟眠金章紫綬知何物  
不換灣頭一釣船

下策

下策何妨出火攻連江十里遍鰲鱉未經草昧元黃戰  
總待樵涇早暮風布置網開三面闊往來路熟一帆通

南京北府逍遙甚十萬雄師枉自雄

六月初五日奉檄常山登舟潮來

茫茫晴晝走風雷天半無端浪作堆山色不隨波捲去  
潮聲如挾海飛來訴誰家國千秋恨助我艤艫兩槳開  
掃盡櫓槍君信否試聽江上凱歌回

六和塔夜泊

新月漾波光涼風生夜氣何處打漁人歌聲出烟際

露坐口占

香霧初熏茉莉花落潮聲裏聽琵琶涼風不斷如流水

吹墮西山黃月牙

西去

龍翼蜻蜓壓水斑  
董墳西去路彎環  
蕭然一片杭州雨  
來自桐廬新點山

入瀧作

漸熟瀧中景風來兩岸  
廬山危蛟路古樹老  
鸛巢崩垂釣今誰又  
招魂昔汝曾東西臺  
在望過客幾人登  
挂帆纔隔浦搖櫓又  
前灣眾綠併此水羣  
青宮小山殷雷巖日  
暗過雨洞雲還剩欲  
從漁父香茅縛一閒

詰屈灘頭路乘風七里聞驚帆來冉冉下水去紛紛  
澀思吟雨花紅不染雲溯流供凭賞莫厭對斜曛

七里瀧歌九首

樹桅相約泊鷺灣回首桐廬咫尺間行過螺螄門裏去  
一重一掩盡青山

東臺突兀切雲高爭長西臺結構牢攀虹爲竿月爲餌  
誰道瀧中無六鰲

翠掩青迴山裏山兩山倒影清潯閒水深不辨作明鏡  
日抱龍鼉時往還

嵐靄空濛路有無一聲欸乃出菰蒲人間是非不到處  
從古烟波幾釣徒

山挾雲間一水奔不容潮陣入瀧門無風共說七十里  
竟日纔過半百村

胥口人家白粉鮮懷清臺後此仍傳毀家修得千年路  
碑在行人口上鐫

山水高風久尙存雲初長此薦蘋繁不須真膺稽豕乘  
能奉蒸嘗卽子孫

辛苦長年盼出瀧出瀧辛苦惡灘逢石饅頭在難充腹

終古荒烟碧蘚封

金衢徽水碧潏潏曲折曾經九百灘更遣嚴瀧作門外  
下流誰信也艱難

灘聲

灘聲常似雨飈拉壓孤篷乍醒午窗夢遠迴秋浦風雲  
光驚破碎山色耐癡聾太息長年力年年盡此中

大洋道中

一面對山色不知江路寬野花藏石豔嵐翠逼窗寒勝  
處輒思佳塵蹤殊未安荒唐反招隱王事正艱難

暮雲灘泊

扁舟赴暝色遙指暮雲灘暮氣催雲變晴天入水寬漁  
歸燈稍稍人去路漫漫乞與篷窗雨農田且暎乾

得風口號

龍游復幾里纔報青陽過叫得北風來黃頭走相賀  
月上日未落水東風自西請君看江心高浪銀山齊

望湖鎖懷章完白

故人吏隱典朝衣何處行吟晝忍飢行過貓頭灘上路  
欲隨鷗鳥向東飛

信手搏沙足惘然爪痕難認雪泥邊湖村和蟹秋無恙  
瑣事關心十一

癸卯七月過此君  
攜湖蟹百蟹見思

書見四韻

斷石俯清江人家森一簇日午寂無人雞聲起茅屋烟  
靜表孤花沙圓漱寒玉何處負新人行歌入深竹

漳樹潭懷同善遂昌

門戶真須碌碌當五陵衣馬悔清狂遙情欲寄歸林鳥  
樟樹潭西是枯蒼

復憶傳善京師明善廣州慮善杭州



汝弟長安索米居  
雲司清切問何如  
蓬萊見說當清淺  
不得宣南一紙書

南望松楸只泣然  
年時淚盡落花天  
雞籠岡下清明路  
好種梅花作墓田

更憶西華白練裙  
悔拋書劍事從軍  
寄林葉別今無恙  
合共顛當辦守門

江山船棹歌

山鬟水鏡院分明  
催得新妝早日成  
泥絮石螺君莫怪  
試聽雲裏畫眉聲

烏石瀧頭瀏江尾  
瀧中風景只關渠  
阿儂打槳郎拋網  
借問官船當買魚

送郎送到釣臺邊  
東臺西臺開杜鵑  
君看花上斑斑淚  
都是離人眼血澣

一層雲裏一層山  
宛轉青山白玉環  
若認桃花溯流水  
武陵源只在人間

船頭轉過老松灣  
郎愛風光坐不還  
山色在睂波在眼  
何須門外看江山

龍香桿撥紫檀槽  
指上飛來白馬濤  
一曲連環人定後

珊瑚灘上月輪高

葦堠麻車路屈蟠  
翻嫌蒼翠塞溪灣  
畫船撐過香頭步  
挂起倪迂一幅山

香霧籠船天不高  
朦朧月子夜生毛  
勸郎且向灘頭住  
明日顛風忌拔篙

愛說佳名女步灘  
灘連童子霧迷漫  
昨夜宓妃乘月出  
淩波羅襪任人看

玻璃地印月輪雙  
瑪瑙天垂七寶幢  
船到蘭溪齊請客  
琵琶海裏鬥新腔

含烟水作鸚哥綠戴石灘名皂莢紅見說春來嬾梳洗  
閒愁數過落花風

滾滾清灘日夜流下來開口上搖頭灘名一枝撐起曹瀧

塔遠樹平山畫越州

縵江塔前江水驕江雲逆上如春潮三間石屋容不住  
九級風鈴來見招

儂心把穩石沈水郎意無常雲在天浮石門前艤蘭棹  
要郎重理定情篇

城外春山簇九華州前五色列人家晚風吹皺羅紋水

卅六鷺鷥護落花

輿地志穀溪之水交錯如羅紋

橘綠橙紅不待秋三衢南去使人愁斜陽半抹玲瓏樹  
新雨平添窮窳洲

水南楊柳江南稀萬綠沈沈一鷺飛長日牽船雲碓下  
水聲冰透葛單衣

雙江口外曉霞生東去清河兩日程莫去清河作閩客  
霞關百丈斷人行

上盡高灘三百重灘流如箭篙如弓忽驚苦角須臾過  
難得朝來到地風

船將到地得順風日  
到地風不易得也

蘆鳥明堂俗可憐欄杆搖不過前川春江花月憑衰點

只有漁家九姓船

蘆鳥明堂皆船名蘭溪有欄杆船行不出境

### 江行有感

千迴百折仍東去苦爲征途作險巇若信人心似流水

儉王須有轉頭時

### 謁趙忠簡公墓

承平不用亂離當江左夷吾晚自傷空與山川增景色

墓爲常山八景之一

何須箕尾借光芒三賢約在歸猶踐九世讐

深死未忘

與范冲魏虢同隱於容車山今有三賢祠公喪之歸章錡之孫爲郡將使人齎之翁蒙之

力護乃行客到來憑弔久石麟宰樹有馨香  
得免

喜雨贈鳳九庵明府

拾

田拆苗枯奈若何隨車剛喜見滂沱政成白水弦聲醉

杜少陵白水明府宅喜雨詩今日醉弦歌畫出青山墨汁多破塊不嫌翻碧

海洗兵兼可挽銀河腰鑣收遍天公早稻名且聽宏農得

寶歌

華埠所居西向湫隘雨來直侵臥具一榻之外舞  
小垂手不能也然念金陵將士支帳泥中南昌  
官民圍城兩月以此較之不啻在天上矣口占

五十六字

抱膝能容百事休  
吾心浩蕩與天游  
仰眠黃九雨濡足  
倦讀蘇郎屋打頭  
掀淖最憐諸將苦  
圍城誰解一方愁  
區區恤緯憂天意  
便著華堂免得不

寓窗遣興

西來爽氣漸宜秋  
樹色山光共此樓  
綠擁一花明屋角  
碧渲雙鳥出灘頭  
不嫌地窄緣天闊  
乍見雲開盼雨收  
兩五日矣咫尺豫章回首處  
楚氛方惡使人愁  
尚無晴意

發華埠至航頭



孔步街南曉渡催半陰晴日欲蒸雷

郭景純江賦  
流風蒸雷

路從

星口斜穿雲出雨過航頭劃水回煨芋火香分白石割

禾鼓溼怨黃梅桃源雞犬皆修到莫遣夷陵有劫灰

居人

忌甲寅年謂前此姚源賊礦賊  
饒賊閩賊之亂皆甲寅乙卯也

### 遊溪口

一宿遊溪館溪聲洗夢清開門看山色觸石見雲生雨  
足收龍骨嵐深禳虎偃嶽饒逢客擔安否問前程

### 三畝道中

客程侵夜發天影曉幢幢雲嬾低垂地溪忙遠赴江壤

亭藤代瓦古洞土鏤窗下馬逢危石如山氣漸降

大石侵江

至此必降輿步過名下馬石

### 潭頭道中

別有山川說與君遠風吹不到塵氛巖花紅照遊溪水

村樹寒棲歇嶺雲家有稚杉同子養佛留虛洞待僧分

上潭頭西石洞設佛像得僧主之稍葺屋宇勝地也是非得失人間事莫遣龐眉

老子聞

### 漫興

粵南燕北浙西東骨肉天涯涕淚中四海幾人逃劫數

一家五處感征蓬  
開門山色圍屏合  
繞座蛙聲鼓吹工  
賴有清暉誤耳目  
不嫌上雨復旁風

自到杭州衣冠束縛無曳履之時  
頃因出防翻得散衣自適感而有作

期會倥偬又簿書衣冠束縛幾年餘  
翻緣鐵馬金戈會暫返青鞋布鞵  
初行藥無人就晚步度兵有客念荒  
畬王文成公聞日仁買田畬上詩荒畬初墾功須倍又山人久有歸農興猶向千峯夜度兵  
卻愁赤黑狐烏滿何處能容下澤車

風雨不止

纔報豐工卅丈頃又聞三版困緱城便掀銅柱從風力  
莫挾銀河助雨聲建業麴窮歌偃蹇昆陽豺虎劇縱橫  
金陵官兵皆在泥中豫章六月廿日之戰雨甚鎗礮不然馬總兵濟美及其姪死之  
村農只爲田廬計眼底平沈亦可驚

### 仍雨

天上應無千頃陂滄溟也有滴盈時風雲雷電先聲壯  
溪堰灘河去路遲民命屏田看早稻魚游登岸阻卑枝  
江南正是兵荒處仁愛天心坐自疑

寄懷和菊汀太守

齡

金華

客燕飛辭八詠樓使君坐嘯入清秋涼雲夜起將山去  
時雨東來抱郭流講學累恩花繞席行田玉笥鹿隨軈  
干戈滿地休南望念著征人儻白頭

七月初九日自華埠移駐航頭

筍輿行趁午晴妍回首前塵隔華川桑下已逾三宿戒  
腳根猶欠萬山緣村村放水添渠溜處處燒畬上野烟  
西過板橋青嶂合宵來拚抱白雲眠

設防

兵法何曾授石函設防惟恃路巉巖鯨鯢得水憑誰制

虢虎連營問所監白髮上頭空歎老青蠅在側更憂讒  
功名畢竟真韁鎖何日驚波一卸帆

返棹

十四日

荷花生日別西湖赤壁遊時返棹無眼福直窮彭蠡遠  
心兵猶怯禦兒孤聽春雲磴知村樂看轉風旌感宦途  
羨煞此邦千樹橘龍陽洲上正催租

三衢道中

坐見灘痕逐漸添斜風吹雨入疏簾斷雲忽做雙江口  
積霧常蕪百樹尖漫與詩歌猶賈勇貪看山色儘傷廉

虛巖聞有仙棋在咫尺王程不敢淹

樟樹潭大風雨泊

一天雨陣壓孤篷灘水東來戰北風雙塔

縵江塔雞鳴塔低昂

高浪外羣山漂泊亂流中艱難王事拚橫草來往征途  
歎轉蓬糜餉老師無寸補深宵起坐撫臣衷

李根生饋酒食辭曰洗塵甚愧之也

已愧登壇握虎鈴更勞輓腳飲厭厭九鍾未進生頭酒  
一曲聊聽刮骨鹽夢裏青山何處好愁中白髮此宵添  
戈矛幸喜同仇在不遣輿人謗邑黔

謂開化團練

江程

往來津吏識船衙  
迢遞江程出遠杉  
霧捲驚波沈戢堞  
涼隨積雨襲征衫  
登舟曾擊中流檝  
撾鼓仍迴半路帆  
見說三塘千丈損  
夜來白盡髮髭髭

七月二十三日復之常山口號

布帆無恙甫杭州

二十日抵杭

又作三衢汗漫游  
識路可能

充水手歸田無自問沙頭

吾粵種潮田者曰沙頭

相逢辭社雙雙

燕慚愧眠波對對鷗  
誰信功成肯長揖  
幅巾瀟灑事東

疇



水程

閉眼今能說水程鷓鴣聲裏又南征直應

聖主心肝奉不遣英雄髀肉生馬革願知何處遂牛毛  
令好及時更但教撫字勞循吏會見金湯眾志成

桐廬縣

行移青雀舫開過木奴花

嚴維詩木奴花映桐廬縣

遙望桐廬縣空

懷處士家青山爭樹出白屋讓江斜迎送勞津吏迴帆

鼓慢撾

夜入七里瀧

遠絳分雲過危檣挂月行風聲灘七里鄉夢夜三更坐  
久琴誰和愁多調不成西臺竹如意喚起謝先生

蘭溪夜行

分寸攀躋乏羽翰路遲心急奮飛難好風迎客常當戶  
明月先人早上灘鐵撥銅琶增壯氣霜螯斗酒賞新寒  
明朝人事知何似且盡飛蟲一餉歡

以上節鈔  
吳越上集

往還

行李倥偬自往還壯懷百尺看刀鏤男兒久已拚弧矢  
名士何須定羽綸難得柳營千里駿敢求桑畝一身閒

寸丹留得臣心在何肉周妻了不關

黃泥阪

石閭山南石路長池淮日夜爲誰忙

開化縣大溪四謂馬金馬廵池淮龍

山也自華埠至航頭循池淮西上

依然雲物三鴉水無復風流七虎堂

宋江彥文少卿緯以直忤時歸隱黃泥嶺下築七虎堂與張南軒汪龍溪程北山諸君過從講學

百畝

閑人摧老檜萬竿隨世換新篁若言野老無今古偏詡

唐朝宰相莊

魏謩

池淮道中

高轉杉梯下蓼灣急行那計路間關東流江水無朝暮

未散峯雲見往還  
雀喜趁人收早稻  
牛閒出屋看秋山  
屢豐但使民安堵  
何慮西鄰外侮頑

詠懷

萬山深處啟帷幃  
戈印圖書一旦兼  
過眼功名吹劍首  
周身智術賦籌匱  
鞠躬自信猶文莫  
習勇何須待食閭  
人海鯨鯢方得志  
貫盈爲問幾時殲

李根生贈常山石硯有橫白紋以小玉帶生名之  
鸛眼牛毛總世情  
貴從丞相得佳名  
從容事業管城子  
患難論交玉帶生  
忍使鈔書供老蠹  
試教草檄斬長鯨

西臺好在竹如意明日歸舟一寄聲

中秋口占

屢向龍門侍玉甌兩番佳節桂宮游明年何處吟秋健  
今夜常山臥雨愁短篷長歌思舊樂一門五地抱離憂  
姮娥不出非無意怕照江湖戰血流

過玉山感賦

廿八年前徒步處七千里外獨歸時鳴騶今訪題橋字  
沿檄方虜破斧詩久歎鬼魁公望損那無神將策功奇  
宵來撫劍看弧矢驟減狼氛喜可知

信河

信河是我還家路來賦從軍不當歸灘惡喜逢山雨送

帆輕須趁嶺雲飛自慚李勣長城固

中丞書來屢以長城見勗

人笑

張宗小雪微

方調開化練勇三百名前來貴溪

莫道儒生非武士寬饒

久已斷禪衣

寄懷繆南卿太守紹興

東中風日劇清和幾向蓬萊得歡歌嶺外流人依土燮

蘇杭避亂者多居越中

關中轉饒用蕭何

今年浙糧海運皆君一手部署

行旌又

撫雙龍劍

上海嘉定警聞中丞檄君赴禾中經理

乘障虛施一目羅南北

與君拚白髮他時握手驗誰多

河口

勝絕鉛山路官河燕尾分水深清見石山怪遠疑雲快  
鼓中流棹雄思破浪軍懸崖誰所設百丈待銘勲

弋陽

怪爾西流急終朝送客船石奇奔水住雲嬾抱山眠社  
樹陰垂幄天車渴救田豕蛇休薦食留爾作豐年

抵貴溪縣作

老我猶能張一軍旗開蛇鳥動星文試從囊底搜餘智

憑仗韓尖掃寇氛立地看成鶯鶯隊戴天不共犬羊羣  
隔江誰奏臨江曲肝膽槎枒奉

聖君

王荦陔明經

恩溥

見和華埠秋休二韻自遂昌寄

示依韻酬之

暑天行役忽深秋誰擬侯封問五樓威望自來憑印櫺  
壯心今且寄刀頭從容射智思周訪詳愼行軍與薛收  
白馬山雲龍虎月夜來千里照離愁

塵鞿擾擾幾時休老我沙溪釣游穉穉但須黃二頃



牡丹何用黑千頭便同蔣詡開三益多謝張衡咏四愁  
爲問平昌諸父老一廛許借故侯不

閏八月廿三日丑刻章門賊船全遁去寄陳東竹

大使

筠

夏篠安少尉

延榮

開化

侵曉軍書一騎催喜聞賊退卻疑非墓田已辦宜陽郭

簿落眞須建業園

徐盛簿落築圍魏師臨江而返今章門守禦甚嚴賊又知廣信府與浙兵

合守九島灘無可窺伺故計窮而返

馬竟飲江猶待死魚方遊釜忽驚飛

南來暫解僧騰甲不是饒歌奏凱歸

方調二君領開化練勇前來

發貴溪

滕王閣上捲旌旗常玉山頭息鼓鼙西域得歸班定遠  
蠶農休困傅修期魚書僞識那能再蟹箸橫行未可知  
聞道度支勞

廟算擒渠掃穴好乘時

### 臘竹山

鴻濛孰剖判融結方爭奇攢青作屏幃倒影窺漣漪芙  
蓉曉千葉竹箭冬一枝色深看或淺勢合行將離鷹盤  
久不上猿穴古未知虛洞暫留月磨崖仍待詩以釣以  
居游不可無茅茨行遂挂冠願來證息壤詞

弋陽

盡日灘聲裏孤篷寸寸行洗心兼洗耳無慮復無營石  
險千頭過山奇一朵迎勞人多靜境聊以慰浮生

水馬兒

我聞水馬兒步步逆流水終朝足不停盡日常在此又  
聞逐浪鷗戢翼隨長流江湖捲雪日千里攜家穩坐心  
悠悠世間萬事何不然人生擇術分愚賢君不見豪賈  
高堂列歌酒又不見市兒汗血求升斗

黃沙港

野港黃沙闊人烟碧樹斜遠擎山一柱近界水三叉  
雪家鈔紙留香艇剝茶居人以漚紙爲業芙蓉報秋老  
時放照江花

馬蹏灘

十里聲猶在危灘上馬蹏相春秋氣樂歌棹暮腔淒水  
漾斜陽直烟銜遠岫低前程問河口極目亂雲迷

書感

銅馬氛纔遠銀刀勢又張嘉定上海匪徒戕官據城有  
小刀會三刀會千刀會諸股  
頻聞殺長吏何以慰吾

皇天意高難問民情懣可傷東南財賦地急待舉循良

各匪以平漕爲各推上年青浦開漕周立春爲首愚民多從之者

### 老虎灘

日色忽蒼寒迎船老虎灘浪飛風作翼雲漱石爲冠古  
有從軍樂今知行路難無情怪山色終日坐旁觀

### 上饒道中

宛轉信孤篷山屏繞鏡中半竿銜落日一道飲殘虹不  
盡船頭水難求舵尾風前程勞候吏未擬哭途窮

### 眼界

去歲牙門豁今朝眼界矇年隨元氣老人在化機中漸  
減江山福從徵記誦功試教吹律聽猶解識南風

上灘行

水去舟來日相觸石劍差我指舟腹長風助水不助舟  
舟子眠篙仰天哭舟人自哭農自歌飛輪轉碓看驚波  
秋熟收豐春不及雇人更磊灘頭石

鞅掌

鞅掌棲遲不自由征衫漸欲換功裘東西來往魚千里  
今古賢愚貉一邱多壘誰真思報

國五樓人自問封侯河防兵餉如星火連歲滔滔可繼  
不

五沙灘

不知三峽險來上五沙灘秋雪迎船下天風捲石寒兩  
車分岸語一塔倚雲看咫尺常山近人情末路難

九月初二日雨中過玉山至常山

蕭然書劍去仍還前路輕陰杳靄間宿命可能都值雨  
吟情無那且看山溪田已熟農相賀郊壘方多孰可閒  
遺恨樓蘭猶未斬東來慚度玉屏關

宵來

蓬背秋聲著意吹無端晴雨事堪疑雲興四岳誰相喚  
月印千江自不知身世正憐於忽操鄰封曾賦急難詩  
內訌又報三吳遍旅夢宵來到枕遲

聞仲博山司馬上海之捷

當路堂堂臥老罷絳頭毛面敢倡披進軍第一鋒誰敵  
得士無雙喜可知中丞書來盛誇此戰南國旌旗增氣色北門鎖  
鑰壯藩籬先聲已震江淮上迅掃狼氛趁此時

重陽日嚴州作



南下軍聲肅鸛鷺中流樓櫓鬱嵯峨滿城風雨重陽節  
照野旌旗曳落河客路黃花臨水少勞人白髮入秋多  
離居五處瞻鴻雁欲寄音書奈若何

舟中書感

山分龍虎陣魚鱗東浙屏藩此要津

帶浙江兵勇與史士良太守同守貴

溪九鳥灘

共說屯軍八百里暫勞君子六千人福星有耀心

休恃虐燄潛移志未伸北望吳淞空擊楫先鞭今讓祖

生頻

謂仲博山

殒星飛過洞庭湖淨掃江流擁舳艫惡劇不逢蒼水使

保釐爭望黑雲都

向軍門營中  
衣裝皆黑

漫誇北府多驍騎難仗

揚州發富奴建業石城天下險外援須應癸庚呼

金陵城中

屢約內應官  
軍持重不進

浩劫茫茫欲問天江淮流血已經年頻聞亡命歸銅馬

又見長生號水仙

定海洋中報  
有匪船遊奕

鋒鏑中原氛漸邇

南京股匪

擾及汴梁歸德懷慶  
且有過河至山西者

九泥函谷見乖先

謂永  
州

滔滔誰釀

生民禍推轂當時覺汝賢

蓼驛楓程信所之吳頭楚尾日驅馳近充水手行何惜

久散民心坐自疑誕說黃天猶有父

賊自稱天  
父天兄

窮愁赤

地已無皮熙攘總荷

寬仁福二百年來自不知

聞道

聞道公徒踞執冰蠻荆蠹爾盍膺懲鄉閭須集毛葫蘆

去國爪難求鐵鶴去鷹築屋返耕長策有毀家紆難幾

人能蟲災雹歉休頻報金嚴二府蟲災杭嘉湖三府雹歉靡幣新芻正

日增

重至臨安口占

十二年前領此邦重來慚愧說循良花開陌上常如昔

人老塵中默自傷  
豈有錦衣酬患難  
欲憑石鏡問興亡  
只今保境須豪傑  
搔首無因顙彼蒼

望天目山作

不到名山負此生  
中途要我倍多情  
青連楚尾吳頭路  
奇稱龍飛鳳舞名  
東寺鼓鐘西寺應  
下方雷雨上方晴

誰教草澤探丸起  
劫外神仙一夜驚

平越鴈人趙四喜兄弟結紅綠白旗

三黨據昭明寺中謀佔縣城作亂

平越千年剩古城  
好山如畫有誰爭  
洞中自誤庚申守  
世外偏逢壬午兵  
豈有青天容魍魎  
可憐赤子外生成

風塵似我猶飄泊安得芝田手自耕

於潛道中

貪吟信馬緩垂鞭竟日陰晴不定天  
今歲雪催來歲雨在山雲送出山泉  
相逢尙有於潛女題品今無玉局仙  
我亦杭州勾當出古懷棖觸一千年

寒碧院

世人眞賞日悠哉祇有中郎辨笛材  
共向暖紅多處去誰尋寒碧此間來  
山蟬翠羽今猶昔霧岫雲窗掩復開  
爲是昔賢留詠地試搜遺墨剔蒼苔

臨安道中

霜野楓林一色秋，碧巉巖外雨初收。  
鐘催落葉隨風去，碓引新泉入屋流。  
絕險雲屏仍九鎖，漸高亭路已三休。

十年孤負溪山宰，翻藉從軍得勝游。

庚子抵臨安任甫十六日卽調赴鎮

營海軍

石室金堂迥不凡，當頭青遍萬松杉。  
過橋試杖溪雲滑，入寺分茶海雨鹹。  
苦竹筍稠侵牧徑，古苔花碧漬征衫。  
山靈不惜烟霞趣，一解人間俗眼饒。

餘杭道中

撥雲見荒蹊穿花入深港川光媚初旭辨水知潛蚌精  
藍曉鐘罷高座方散講誰參一指禪敢避當頭棒企寺  
始安心過橋猶拗項鳥靜語間關樹老陰侂構活活泉  
激沙錚錚錢入甌終當買山隱來伴村農耨

癸丑歲病中懷人詩

張南山師

老松高閣人聲來九天靜自非歲寒心此趣誰與永吾  
師曲江後名繫朱鳥景小試八詠才歸尋五柳徑乾坤  
付兒輩老子風月領詩來問急流五夜一鐘警

來詩云  
寄語英

雄須善退服強  
七十好歸田

回首春風中南雲有佳境

陸朗溪師

吾師陸鶴山爲學務平實初溯朱陸源繼入周邵室三  
十六宮中春風日洋溢寄我太極吟得一萬事畢海水  
昔羣飛鈴轅偶捫蝨狺狺多狗傷冥冥去鴻疾玉山珠  
海間何處寄容膝

林月亭孝廉

伯桐

經戶闕無响書堆中有人善氣藹然出在遠分日親布  
素率生徒紈綺憂斯民士人無風氣世俗何由溘臨別



愧贈言萬里營書紳寄我古謠諺竊比矇眵陳明堂一  
椽桷何由見家珍

謝澧浦師

蘭生

心謝輭紅塵日坐虛白室恬退爲教宗奔競望如失世  
人重書畫吾道有文質閑情寄風月餘事問芝朮生平  
賦梅花橫斜信吟筆惟師外香色與我契膠漆

戊辰梅  
花賦甲

申探梅詩師  
皆拔置第一

遺恨舞雲游未問養生術

黃香石舍人

培芳

泰泉有文孫萬卷藏遺編羊城兵戈地古屋二百年人

傳粵嶽子曾遇黃野仙聲名滿天下一色和雲眠勸我  
游黃龍約伴耕石田嗟余走衣食日著塵中鞭寄書問  
山人年來幾周旋

吳石華學博

蘭修

食四十兩奉藏三萬卷書

君署門語

卷卷加丹黃茹精吐其

餘清辭出洗鍊明水來方諸有井知屯田古藤驚太虛  
說士本天性拔茅志連茹勸我疏楚辭歲月不我居南  
漢無紀載遺藁今何如

著南漢書未成而卒

黃蒼崖提舉

喬松

提舉有奇韜杖策干幕府請礮救紫霓瘡痍手摩撫晚  
歲隱魚鹽甘爲少年侮好士折節深吟詩用心苦我嘗  
添杯盤亦頗當旗鼓一從玉樓召誰作蓬山主阿奴且  
碌碌正要當門戶

吳雁山孝廉

應達

香山小欖鄉種菊冠天下當時建花會就地結詩社誰  
主牛耳盟我實佐君者攜手來花村花多市廛雅花外  
落瑤牋花前傾玉斝人生苦塵縛此樂蓋云寡別君三  
十年時時夢魂惹

曾勉士學博

創

曾子有遠志不分稱經生  
雀航落甘蔗正坐輕談兵  
少年不出戶四海聞其名  
使者失大士自恨心俱盲  
相期在千秋愛我如弟兄  
功業兩蹉跎負汝知人明  
學詩治三禮專集何時成

潘德翁方伯

仕成

潘侯古豪士白馬金盤陀  
能容謾罵客雅量涵江河  
常憐白石生贈之小紅歌  
翻哭馬塍花足見余蹉跎  
巍巍海山館渺渺珠江波  
寄我等身書毛

汲古閣

鮑

知不足齋

安足

多出山繫人望歲月如騰梭

譚玉生廣文瑩

二百餘年見此才沈任潘陸幾疑猜江東今日無卿比  
天末他時夢汝來濁酒自澆名士澗清流誰搆黨人災  
傷時懷古情無限想見行吟倚越臺

黃香鐵廣文創

黃九才名馬耳風金臺邂逅賞王戎無雙國士誰如信  
累百歐陽敢望公三日葵湯作新婦一時桃杏屬郎中  
余分發浙江君爲祝嫁詞以贈先是潘德畚贈余姬人  
入門揭曉適得雋同人競以歌詩爲賀君詩云忙煞簷

牙噪乾鵲報他桃杏一鞭絲帽影成何事歸領青氍毹半時新都下推爲擅場

世窮

君得揭陽教諭出都

潘伯臨員外

正亨

將去才華太不廉分來猶可十人兼作書勁似奔泉驥  
登榜難於上竹鮎末路英雄聊酒色古時賢達尙魚鹽  
珠江千古銷金地我亦醇醪憶醉霑

黃石谿明經

子高

黃卷如山伴下帷尊中有酒一伸眉當令士姓從臣始  
不意詩名被眾推

著書多未成惟刻遺詩四卷

有子弓裘傳漢學無

人檀蠟寄秦碑

子小石尤工小篆余有梅鄰舊約留圖宋拓瑯琊臺銘擬寄之

在二十年來萬里隨

相約買田蘿岡癸巳余將出嶺君寫梅花贈行今存篋中

侯君謨孝廉

康

酒樓一別愴離顏失喜春明握手間才子聲華空上國

經生事業本名山青藜杖在來宜數白玉樓成召卽還

借問建安金石史十年心血任從刪

搜采金石補三國裴注書成未刻

徐子遠上舍

灝

回首吾家春草池天涯契闊夢仍遲江東無我卿當獨

嶺外多才世未知傾蓋交新纔贈策送行詩好遂探驪

繡纈短盡英雄氣飛向何門借一枝

羅蘿村少空同年

文俊

大羅仙子近何如望斷樵西水竹居曾踏嶽蓮窺玉女  
但吟紅杏到尙書南山樹老談經處春水花浮送別餘  
畢竟江湖忘得否中原民社半爲墟

溫伊初孝廉

訓

廿載存亡信不通中原旗鼓一時雄無聊寄託郁離子  
有職文章魁紀公老輩喜從王粲語新知難濟孟郊窮  
梧溪便是浯溪路聲叟歸魂定此中

有傳已死者



熊笛江廣文同年

景星

丙子同年生白頭幾人在高才甘陸沈庸姿或亮采憶

我初識君六榕隱幽壑君聞自禺山

劉雲樵同年  
需主講禺山

走訪

不自悔入門索新詩高誦貫珠琲謂可樹一幟力求洞

重鎧自茲說項斯餘論未嘗怠癸未西南園壇坵隱相

待果然冠兩軍君喜笑脫頰生平少許可有譽其庶殆

攜手登龍門同舟汎學海結交厠廚俊成名附元愷君

工書畫詩三絕望威鬼自言擱吟筆上阪讓鶯駘嗚呼

此事廢一行誤作宰寸心負知己學殖就庸猥寄書問

鄒慶家食今幾載從來避津要望望去若浼廣文官最  
冷尙謂妨舞彩世人重君畫門高限繒綵千里獨贈余  
同心等蘭茝作勞偶展翫開卷忘凍餒自從患難來結  
習得毋改頗聞困風痺跬步日趨趨猶記結鄰言荔浪  
謀遷賄吾今尙漂泊終日勞傀儡徇俗固非心侮時亦  
知皐松菊已荒蕪歸來且自給何當珠江上聯棹歌欸  
乃言面知無時入夢夜徒每

梁子春明經

梅

志學走文場粵秀隨俊造伊誰職都講君名乃甚噪觥

觥南城翁

曾賓谷方伯

幕府盛紉綈座遲車公樂褻展容寄

傲諸生傳韻事相望時側帽十年捧君襪白髮傷瑣瑣  
招我寒木齋論文示闔奧薇紫館黃昏蕉淨門卻掃彈  
琴或圍碁靜中時一譟同來盡英俊分韻各建壺月出  
還高歌酒酣恣舞蹈自謂此樂極百年永爲好一別遂  
蹉跎北征吾所懷君亦賦

帝京需次遲訓導歸舟詩卷重珍帚且自勞忍聞子敬  
琴碎地隨赴告宿草隔天涯腹痛不容禱憶君泣語我  
母氏自雛抱春堂書早藏匡壁燈暗鑿可憐萬牙籤不

博五花誥索我題圖詩許以善本犒至今曹氏倉徒供  
婢僕盜所幸留曙星佳堦屣夙倒初賡伐木篇繼譜求  
鳳操綢繆及衾綖經畫周井竈集寧李漢編諾更朱暉  
報人生等駒隙窮達付覆燾高才亦何用晚食不能糙  
狐裘而錦衣不如事強暴永懷士不遇曷由解悲悼

馬止齋刺史

福安

我昔走訪君初不由介紹君先識孟嘉此事關睽兆文  
星燭東南謂儀徵師學海豁昏曉不才忝同舉以爲多士表  
山堂好風日尊酒坐松篠相期求實事豈曰逐儂桃林

伯曾劍經訓深二吳蘭修史筆皎賤子隨趙均熊景星

詞章或識小多君勇兼人有作入深窈此樂曾幾何歲  
月忽以慄少年學齊治五夜事緇縹詎以木天榮有志  
遂云了蜀道君驅車謂可逞騷囊爲奉嚴譚歸來顏  
色愀我時戀寒氈僕僕走燕趙再見黃金臺凌雲志縹  
緲黃樹筠葉齋主吟壇樹幟雲天杳說士君言甘驅舞鶴  
心悄江亭一樽集楚壘兩鞅掉遂傳日下荀在座舌羣  
摘自我來湘江惜君亦閩嶠經歲不得書循聲聞少少  
介節却魚迎仁心微難鷲驅羊鞭其後牧馬去其擾建

言忤當事臥轍集流殍以茲膺薦剡屈足斷矯矯上許  
過杭州湖山花事杪贈君碧玉硯酌君青花醪期君一  
飛鳴萬里天浩演自聞賦從軍江東夢魂繞嶺外忽相  
傳珠江見歸旄嗟君志名臣自鄒視之貌功名恥不立  
雖艾死猶天賁恨到九泉定復致大鳥憶得宣南書附  
詩何窈窕上言硯席同終憂原火燎丈夫生識字爲世  
除苛矯休羨鳳鳴梧須耐蟲集蓼所愧陳義高願言誓  
心噉蹉跎負良友寤擗傷有標

招銘山大令同年

子庸

與子同師門

南山師

先後跡相踐兩人各許可君狂我疑

狷狂態夫何如世俗駭以喘端午弔三閭傾國事游衍  
萬人競高標五綵裝巨觚君簪石榴花龍頭立袒跣左  
旗右搗鼓一搗旗一展陽侯愕而避風浪不敢轉尤工  
子夜歌清脆宜婉變珠江金粉地花開不及選四時召  
風月兩部擁文髻么絃授新詞曼聲送流眄江湖薄倖  
名以茲頗不免嘗挾一琵琶徒步走秦棧賣畫千諸侯  
此興復不淺遂驚卓鄭徒韞材競輸輦歸舟五娉婷出  
宿百壺餞人生有如此亦足慰偃蹇君時顧我笑有情

孰能遣丈夫生斯世亦未薄軒冕不烹主父鼎當碑太  
傅峴捧檄來山東英風激頽輓大慙伏城社相戒近禁  
嚮君呼喪騶馬腰弓手長戴一彈羽翼摧再刺渠魁殄  
居然靖肘腋豈止除疥癬乘閒課耕農當暑議平讞項  
疆檄飛蝗手辣驗鰲犬憶當孫恩逼偶用弦高辯小試  
卻餘艤大邦免兵燹未見賞魯連先聞謗王翦

天心九重高星舌一朝卷斯人遂淪棄羣策曷由勉我  
惟慙以愚君謂好人褊亦知志趣殊不禁諍言謇自從  
寢門哭益歎奇士鮮渤海水齋淪蓬萊閣峻嶒昔君灑



餘墨觀者首俯俛至今千琅玕壁粉未嘗辭中有生氣

存年多蹟彌顯

以上節鈔  
吳越下集

奉黃壽臣中丞檄往援徽州二月十四日扶病登

舟口占

甲寅

忍見滄溟海水飛又聞車騎鐵山圍孫臏斫樹曾扶疾  
莊賈辭筵莫試威保障勢須聯歛睦追奔心早過淮淝  
錢塘江水聞斯語不斬樓蘭誓不歸

嚴先生祠堂

高祠遺貌玉嶙峋想見唐虞有外臣仁義自教天下說

劉侯霸云懷仁輔義天下說以此言推之知先生足任天下事非石隱者流也炎涼不到此人  
身氣干星宿生非偶姓到山川事最新借問壽陵何處  
是金輿石馬已成塵

烏石灘作

烏石灘前白浪屯出瀧船泊對瀧門四龍治水翻江起  
萬虎驅風帶石奔黃倒田頭驚麥氣青連屋角驗苔痕  
擁衾獨念西征士布帳冰零酒不溫

泊巖州

風定波平縵影斜瞳矐初日散棲鴉林分餘雪篩茅屋

雲漏新晴與菜花烟外高城標兩塔人間歧路感三义  
新安江水知名久準擬吟箋賦物華

盪波灘

盪波灘上碧波迎中有黃山夜雨聲三百六灘從此始  
一篙麾手睦州城

鋸齒灘

客行新安江江水清見底沖澌浸山影一瀉知幾里回  
頭望金臺空濛白雲裏棲鴉隨磬出宿鷺驚帆起前程  
喧有聲轉轉殊未已飛湍張弩牙亂石排鋸齒問名笑

有會惕險行且止溪流廣長舌餘屑含妙理夕陽山色  
佳孤棹時一倚

菖蒲灘

昔家菖蒲澗今上菖蒲灘奔騰自天來一曲復一盤何  
從覓九節但見水石寒雲根結峭犖雪花舞迷漫浪婆  
拜我舟我身非竹竿亦非安期子服食生羽翰南望艾  
溪源壽昌眞彈丸吾宗有清士蒯緱方獨彈

謂韻生  
孝廉

公

程不暇訪指宿趨銅關

夕陽

清波渺渺石斑斑路轉懸崖翠一彎薄霧隔村浮遠樹  
夕陽入水寫青山已無聯臂羣猿飲時見銜魚野鳥還  
七十里程圖畫裏莫將劍閣比銅關

### 瀉安

勝絕瀉安路新圖寸寸開山爲大斧劈水作紫雲迴妬  
汝移家住憐余作客來有田吾亦隱野老不須猜

### 藻河

積翠山中玉有臺藻河西轉夕陽開古苔紅上懸崖去  
新漲喧朝野廟來僻境鶯花閒自好舊時猿鳥在仍猜

塵勞方羨清冷水心折巢由出世才

何來灘

人嫌水石險水石誰所制融結出自然不爲行路計問  
君適何來得無自濁世捷徑終南爭要津呂梁擠誰能  
將清暉容此塵土袂嶮嶮山常清洛洛水常逝我來亦  
偶然百歲中一噓耳俗何由洗齒危藉以礪進退方觸  
藩徘徊且流憇

百步灘上得石如圭形玉理霞色文爲仙山樓閣

喜作長句

懷古田全詩金卷之  
方壺員嶠號神山苦被仙風輒引還忽訝峯巒雙袖裏  
共傳樓閣五雲間釣名莫更容龍伯報德安知非雀環  
從此嬋娟封一品不容海岳笑囊慳

楊村灘

夙聞楊村灘水箭激石弩未到數里閒先聲震金鼓萬  
波阻一舟亂石礙雙櫓百丈入雲中乙乙鷁背俯西風  
方作威有勇不能賈鷁首忽浮沉師口山名作吞吐須臾  
小海唱莫和迴颿譜我行從簡書陽侯敢予侮平生仗  
忠信此語傳自古

雪灘

有上中下三灘

積雪作高灘平分上中下羣青擁一白晶晶自奔瀉長  
年手空袖坐客口常哆迎寒忽三冬濯熱無九夏我來  
當仲春重裘酒仍把如觀昆陽戰雷雨震屋瓦如過鬼  
門關性命輕人鮓鴉潭夕陽瘦弱纜繫聊且寒聲壓鄉  
夢剪鐙祝宜楹

再作

一葉飄搖逐野鷗千篙容易上灘頭雪天仍界上中下  
此地應無春夏秋白浪風來憑石語青山雲外看人愁



曹騰宵枕軍聲裏恰夢西師破蔡州

海忠介公祠

夫子信忠介生平澹泊甘君民不堯舜夢寐有惶慚遺  
愛青溪水高名朱鳥南瓣香徒仰止桑梓我何堪

耐飲灘

一日上幾灘一灘知幾石一石須幾篙篙篙血汗力君  
看鼉窟畔古來覆舟迹驚波戰蓬葉萬馬方辟易邪許  
助喧豧停雲憺將夕羣山如不聞壁立死灰色西風轉  
颼慄長年好看客前程如此灘漁亭尚三百客行且耐

飲山青水常碧

竹節灘

石漱風搏玉有瀾通天路險過蛇盤騎牛待覓三生石  
上水今逢八節灘白首從軍何事樂傷心行路古來難  
勞身已歎魚千里莫把青溪比竹竿

古詩灘

居然健可挽狂瀾三峽飛流午夢寒轉轉未窮丁字水  
行行初識古詩灘風騷六代淵源近陶謝同游述作難  
聞有賦溪前路是支流同異試尋看

賦溪在壽昌江口上五里

威平

韓蘄王擒方臘處

擒王射馬始從軍  
出廐驂騮已不羣  
自信千秋臺閣在  
恥爭奴僕論功勲

河上嶺

盤盤高路俯清流  
翠滴懸崖宿雨收  
帆遶渚沙黃露腳  
絳裁巖樹綠平頭  
不緣行役艱難遍  
幾忘春光九十周  
笑汝桃花猶健在  
繁紅偏趁夕陽稠

漫作

怪汝歸鴻信往還  
兵戈滿地路間關  
故鄉久斷離人夢

多壘常羞壯士顏肯乞閒身翫流水莫談世事對青山  
前程萬里雲天闊搔首開籠放白鵬

喜晤張雨樵廉訪卽送之新安

已變聲音况鬢鬚臨歧尊酒重踟躕烟雲過眼蒼如狗  
身世關心黑匪烏數到交親餘涕淚夢來兵甲滿江湖  
茫茫此別君休怪意外相逢本不圖

雨樵言李鐵梅中丞

嘉端

請改省城於廬州曾力

爭之

臨江開府怯青旌忽取淮西作會城勝算已甘甌脫棄

空脊徒切虎牢爭滅防讓水功原捷砥柱迴瀾志孰明  
鞏雒成皋形制在向來抵掌祇廊生

除患

椎埋何必不英雄渦潁濡淝剩此風縱使閭閻當禦侮  
盍教制梃試從戎鴟如集處知懷樞爵儘驅來倘爲叢  
內外若將難易較祇疑除患是貪功自周敬修中丞選  
帶兵勇專除內匪  
不任外寇繼之  
者皆持此說

題王兩峯

世緒

畫鍾馗

畫工狀物精神俱黃荃之言不我誣力在大指與二指

肩膀腰頸態各殊兩峯者誰王氏子後來亦畫終南儒  
既非執鬼挾其眼撮此四指胡爲乎得毋世鬼食已盡  
聊復作勢搏空虛方今羣鬼載以車魍魎魍魎塞路衢  
誰歟竈下職掃除戢鋒斂鐐腰湛盧裁冠博帶神容與  
何當奮此如虬鬚履髻泐陽供一噓光天化日還唐虞  
斂時五福利用敷饗鼓軒舞歌樂胥

六月初七日往新安過河上嶺作

長途今不厭絕境古猶存水抱山斜出崖傾屋半吞苔  
花黏石瓦

山中人多以石爲瓦  
廣及尺厚率四五分

雲葉擁松門不遇鹿皮

叟幽懷誰與論

尾灘

水有掀天勢風教蓋地來助威前夜雨失響半空雷東  
繹鎗銖較西帆瞬息開屯溪二百里聞說解維纔

觀水有感

鯨日江雷隱凝烟沼鏡寒淵源無異派動靜有殊觀客  
待歌乘浪吾甯賦考槃蘆花清淺裏試著釣魚竿

新安水

借問新安水難尋碎月源客程仍信宿風景自朝昏石

險磨還銳波廉漱不渾世途一回首何處不艱屯

棚民種山者多在山頂結茅獨居

爲農來世外闢地到天邊獨結雲頭屋相依石角田雞  
豚修也到風雨夢常懸猿出時分食花開自紀年一家  
安汲響百里見山川說與人間樂搖頭笑不然

書感五首

浮生需幾何容膝儘婆娑誤羨高車馬翻投密網羅空  
山饒水石世路況干戈君看巖棲者逍遙帶索歌  
皇天賦手足大地遍山川未識漁樵貴爭求趙孟憐淘



河仍是鳥吸露也名蟬擾擾爲形役何由解縛纏  
夙有懷林志今猶泛梗行一厘氓倘受五畝宅當成政  
事慙操割文章詎代耕平生盡氣力贏得笑桓榮  
行義儒生事經邦勝隱居倘蒙尸素誚翻不耦耕如食  
力言無媿防賢信有諸珠江千萬里竄欠一茅廬  
荔浪言誰踐梅田約亦荒歸與熊笛江約買荔枝浪田  
又約卜居蘿岡買田種梅花  
汗多淹馬策塵久積琴囊好在樊遲稼虛無陸賈裝挂  
冠須踴躍多壘卻徬徨

題所居程氏別業

幾時行李遍天涯  
題借閒窗玩物華  
樹罅雨懸蛛布網

苔根花動蟻移家  
書藏宛委須人讀

銅鼓齋藏書六萬餘卷皆善本也

宅占烏聊向客誇  
二十七年溫舊夢  
翻緣室邇歎人遐

程也園員外振甲道光戊子歲游粵東曾於周素夫座上相識今下世二十七年矣

贈曹仲宣孝廉

恩謨

誰信希文第一流  
且從鄉郡試先憂  
風清六嶺朝傳檄

募勇士分守叢山分界箬羊棧大洪

樺根六嶺明金忠烈公所守之地也  
雲黑千倉夜唱籌

時方缺餉劍客已收朱頂鶴  
饒歌須製白跗鳩  
看君宰肉知

方畧濟美應從世德求

君爲太傅文正公族子

懷古日全書卷之二

贈江秋田廣文 新祖

文獻彫零劇可哀 訪江慎修戴東原凌仲子程瑤田諸先生後人君言皆式微矣 風流

不墜見斯才上官昔為傳經出隨計今成避寇來 選授舒城

教諭奉滿驗看省城適陷 剩有湖山懸夢寐 道光十六年會游

乃歸新安今舒城亦陷矣 未甘書劍老塵埃天街夜夜瞻弧矢懷抱無因向酒

開

泊雲頭作

午夢驚回碣岸聲暑灘辛苦幾人行孤舟靜艤雲頭石

坐看楊花積岸平

茸茸飛絮壓蓬輕船戀濃陰午不行何處歸雲將雨過  
東風吹亂子規聲

哭明善四首

朱武張文百不成倥偬也復算勞生可甘第五輪驃騎  
曾伴蕭公作步兵碌碌正爲門戶計容容休諱斗筲評  
蓋棺論定知無過不愧吾家海岱清

壯士心肝馬革知四郊多壘此何時一腔熱血傾無用  
忽嘔狂血數斗三尺長纓請已遲常怪丈夫憐少子忍聽樂府

唱孤兒

遺二子受  
唐受廉

撤帷間說端陽近悔不先期礮怪鵑

四月二十  
九日卒

仕五年來讓路行雲飛雷躍看諸兄未嘗執務膏梁趣

試擬醍醐乳酪名人夢有情依二老一月前屢夢見之求醫無

計遍三城何修量水逢劉尹贏得誇人向九京張南山師有陸

宜公良醫之學然不妄施治高大愚專精醫術老謝人事明善之病兩公朝夕過焉

飛分兄弟各東西父母俱存天一涯執手彌留惟婦子

周身誠信賴親知謂李沛蒼劉鏡洲諸君書來有淚誰能秘歸去

無家我自疑諸孫賃屋以居催租方急作宦廿年成底事庭階彫盡

子孫枝出粵以來凡喪二子四孫

六月晦日復之新安泊尾灘作

我行天下歎滔滔旅枕涼添雨一篙石陣排江猶露骨  
雲華漬月漸生毛歸來有夢魂猶嬾秋至無詩興不高  
安得四方羣盜息寤歌槃澗任吾曹

徽江水

常怪徽江水迴環曲似鉤幾疑山四合不放水東流更  
遣千林石來迎一葉舟天涯行役苦說與鷓鴣愁

天井潭

溪迴路漸深萬綠晝森沈天井四圍碧冰壺一片心經

年無日色高處有蟬吟借問勞勞者何時此抱琴

### 白浪

一江白浪吼雷聲驀地掀天驀地平默坐蓬窗供一笑  
向來面目本澄清

### 箬嶺

雲聲聚嶺脚雨勢來嶺頭我行入雲雨嶺路方阻修松  
壑午清壯茶蘼秋香稠回頭俯烟井誰歟同樂憂嶺脊  
有遺廟保障豐功留當時開路人轉眼稱王侯路爲汪越國所  
開嶺上有廟祀之我聞今孔亟跳梁殊未休安危界一嶺嶺外

皆寇讐古人重當關一夫扼其喉天星關西洞別路防  
宜周易哉同仇人曷不修戈矛

發休寧

步步雲頭覓路行筍輿終日溯溪聲松筠舊有忘言契  
山水今傳大好多名臺笠最宜君子女受廬端是聖人氓  
問渠劉阮佳夫婦修到天台是幾生

夫婦耦耕者甚多

七月晦日與曹仲宣孝廉及兒子慮善同謁齊雲

山宿焉

轉轉勞蹤劇可哀寸心悲憫幾時開已拚錯過名山去



卻怪經從戰地來到眼定知無俗物振衣猶愧有塵埃  
老松俯首如相識五百年前手舊栽

竹聲騷屑和溪聲繞路彎環與石爭劃地飛流雙澗合

出雲離立一峯迎天邊猿鳥皆修到袖底風雷倘鍊成

行過玉霄金闕外又逢人世說無生

山絕頂有民居  
市肆二十餘家

頭天門接二天門雲裏三門日色渾石髓流乾都作洞

桃源名好不成村一堂擁翠山歸極五省朝香士駿奔

我亦辦心虔頂祝江湖黎庶半無存

袞袞青山接綠蕪茫茫何處問天都殺機未散黃池會

兵氣橫連石臼湖是處干戈欺俎豆何時衽席易泥塗

傷心擬上通明表咫尺蒼穹不可呼

適接黃池  
鸞訛警報

聞名半世始登山一宿齋宮百慮刪時有仙心來枕上  
更無塵夢落人間雨餘星影窺窗入夜靜雲聲拂瓦還  
明日怱怱騎馬去是非榮辱又相關

宿齊雲山上初曉山雲鋪海道入促起觀之云數

十年不一見也

黃海鋪雲天下聞耳饞目儉勞吟魂黃山慰我遠行役  
一夜移海來天門天門眈蕩扶桑曙嬾臥雲房擁雲絮

道人失叫乍推窗南渡東亭

皆山下村名

不知處茫茫一白

熨帖平雲邪海邪不可名五老天邊笑招手擔雲昨夜  
勞山精驪如月下潮初上輒訝欄前施步障何處飛來  
木葉山乘風欲溯桃花浪風助魚龍汗漫游金銀臺映  
鳳麟洲鵬圖擊水三千里仙馭排雲十二樓水雲漸遠  
山雲起別有餘霞分散綺誰識雲垂海立中人世是非  
爭不已搔首天涯私自憐老來何處感蒼天昌黎正直  
衡山淨玉局袁窮海市妍江山風月常相待事有偶然  
何足怪卻笑齊雲愧此山分明山在雲齊外雲外樓烏

啼一聲雲頭無耳忽自驚滄溟推出瞳矐日萬里秋山  
一色晴

復之漁亭閏月十五日發託山口占

雨聲成陣壓溪聲催曉啼鵲處處鳴誰信跳珠翻墨裏  
有人攬轡賦西征

坐看銀盤落地纔溼雲如幕久方開零靑斷白參差出  
知是黃山拂面來

五老雲中拍掌迎蓮花擎出翠生生今朝鋪海何人看  
知我肩輿海底行

曾到天門記往時巢痕在望步偏遲白雲護我題詩處  
袖拂紗籠可得奇

捲地河聲抱屋斜連山修竹有人家更無翠袖天寒倚  
時放牽牛一兩花

榔木嶺

何須拔地使人驚位置彌高氣更平不信祁門榔木嶺  
試聽七百二灘聲

嶺爲祁縣分界處嶺以東水入錢塘江嶺以西水入鄱陽湖東西皆三百

六十灘而嶺實不高約數百步而已

發祁門

早發祁門城宿霧日猶暗長林出沐初遙山曉妝半葵  
花泣餘露俯首似三歎孤衷曾向日衛足有餘憾全軀  
保妻子如人晚戀棧其然豈其然王事正多難

長松廿餘株落落據一邱歲寒懍冰雪聲氣相應求下  
顧桃李輩嫣然非我儔紛紅與駭綠得毋兒女羞結交  
得青山於今知幾秋相視笑莫逆此心兩悠悠

### 癡羊

獨狐與羣虎勢難相頡頏與之爲委蛇假威以自王癡  
羊適何來德力不自量謂狐一何鄙謂虎曾何傷朝思

將虎須夕言扼虎吭虎吭不可扼且夕膏虎腸彼哉何足言池魚罹其殃

櫟根嶺

纔路俯崩湍梯空一萬盤漱崖新水怒衝壁古雲寒身  
外峯矛戟天涯邑彈丸向來戎馬地書劍敢求安

櫟根嶺又作

躡翠攀雲不計程楚然中道喜人聲猿因避礮移家去  
無上菴僧馬爲壘輿帶索行函谷未封那敢恃陰平雖  
爲余言

險也防爭君看崖石平如砥只待張郎劍閣銘

葛公鎮

鹿跡斑斑贗古苔  
居人豔說葛公臺  
老夫別有登山屐  
去訪堯城舜井來

堯渡

一水穿花出孤城  
向水開地從堯渡  
古人自禹航來橋  
轍容車頗波痕受  
槩纔艱鮮關府事  
遷化復熙哉

重九日與余心柏上舍

肇元

許碩甫秀才

恩培

及

兒子慮善東山登高作

東山在東流縣陽烏陂東二里

一燾雄風萬帳霜  
兵戈隊裏作重陽  
舊時黃菊丹楓路



昨日文身被髮鄉

東流縣甫於初二日收復

前夢難尋人共語

嘉慶丙子

十一月與朱經畬施夢臣兩同年  
守風東流十日今兩君皆下世矣  
新詩須與酒相商東  
山信美無絲竹此願悠悠何日償

廿五日自丁香樹往香口道中作

谷口炊烟次第生茅簷人靜午雞鳴  
稻雲黃過丁香樹

一路風傳水碓聲

杏溪溪水帶雲流漱石含沙怒未休  
一百里程君記取

送將新雨到池州

星星相雪映楓霞採柏人來翠袖譁  
多謝西風傳笑語

似聞求子莫貪花

疊石盤山作麥田松濤吹透菊花天人傳七里嶺嶮路

老桂開枝五百年

梅村瑯田諸桂氏皆由七里遷去

輓嚴雪樵巡檢

國佐

向來心事肯蹉跎瞻望龜山乏斧柯垂老扣囊餘智在

經旬借箸戰功多

自九月十一日委勸東建團練十四日連獲大捷二十五日眾寡

不敵乃殺賊陣亡

赤憎妖夢徵車騎

先三日夢建德城隍神通謁車騎甚都

難仗

軍容肅鶴鵞拚以一身酬愛戴蒼生其奈此人何自十四日

之戰建人戴君如父母君感其誼亦誓以身保之

昭明太子廟

花擁瑯田太子宮  
馬當天目祀交崇  
捨身作佛無香火  
可是文章勝武功

十月初六日發瑯田

嚴霜如雪灑征袍  
曉出瑯田野興豪  
北下水將雲共去  
東來山與日爭高  
艱難行役須嘗遍  
變幻軍情敢告勞  
聞賊將由饒河入擾祠南回首生民塗炭極  
策勲何日善藏刀

入大洪嶺

轉盡泉聲第幾彎  
忽從人面起青山  
癡雲擁樹晴猶溼

怒水流花去不還認碣乍驚龜掃雪

途中有七龜掃雪八龜掃雪等碑蓋

村人相約掃雪誤闢爲龜也

聞歌遙見鳥當關莫矜函谷金湯險我

願青泥借一丸

### 祁門七里亭作

試驅小隊出郊垌梅銷城邊問野亭山火誰憐松半死

簷霜無奈竹常青居人毀室驚談虎戰士移防歎轉萍

老我縱教筋力健南岡歸步已伶俜

粵中復經兵燹知交零落盡矣

東松山寺岳忠武王曾題壁處寺在祁門南門外

二里

鄂國雄兵此暫屯東松名跡至今存巡簷炊爨人誰覺  
軍過巖寺於人家簷下掃壁留題墨久昏山色不隨人  
炊宿居者至曉方知世改將材難覓寺僧論相傳東松長老置麵餉公有攬動見醬之語意近於諷而公不  
覺也鳳凰亭下涓涓水又送飛花過別村

述事

不念先聲壯翻愁末勢張人言累枝葉軍實重餽糧援  
遂孤城失軍猶一面當巡簷看斗次旬始復生芒

翹義初蒙眉樊遲繼用矛已寒西賊膽須扼腕公喉此  
獲量熊耳新阡避赤頭至今堯渡下血壅水西流九月十四

日之戰賊至營外始出擊之殺千餘人堯  
渡之水盡赤埋尸赤頭關外穢氣聞數里

援軍皆遣去警報早飛來賊至人猶夢城虛敵轉猜跳

梁容爾輩橫草惜斯才

謂嚴雪樵

耳目親聞見因君賦七哀

孤注懸千里從違驗物情地衝纔置陣天竈肯移營

香口

四面皆山不便安營而土人請號已傳雞肋占從辨鳥

我兵移駐勾滕勾滕即賊境也

聲向來傷掣肘機事敗垂成

徽勇無餉散回浙餉給兵道遠又難為繼移營之舉

非得已也

### 攬鏡作

霜雪朝來上鬢鬚前途轉迫待何如無端四海苦求食

恨不十年多讀書臺閣功名成畫餅林泉事業負茅廬  
風簷坐數寒林葉一片秋心滿太虛

一綫天酌石間乳泉

在祁門縣治東青蘿嶂下

東崖截嶺而厓巖西崖岌岌東南馳兩崖欲合不得合  
時有罡風掉闔之兩崖束天天一綫俯仰中間海冥變  
日輪萬里碾青霄當午亭亭纔一見初見橫溪臥蛻龍  
旋聞瑟瑟山珠宮洞開白石雲千葉嶂掩青蘿花萬重  
爲君細酌珠宮水冷釀霜根涵雪蕊試呼天下熱中人  
來與伐毛兼洗髓

夢裏

夢裏湖山近湖山路百重漂流同泛梗歸去負孤松林  
密知樵貴江寒信釣恭筵簞占季主吾道竟何從

十一月初三日長至

憶從至日賦長征

道光癸巳十一月十一日長至日出廣州至今二十有二年矣

每到

冬來覺有情老我幾時歸故國諸孫萬里困圍城

明善未葬

受康受廉受唐覺覺在疚自六月日賊圍廣州省城至今未得家信

湖山寄室仍求米

同善書來告匱

徽嶺移營未罷兵人事天時多錯迂一陽深恐

不能生

以上節鈔新安上集



懷古田舍詩節鈔卷之二終

先大父懷古田舍詩鈔四十卷初刻于杭州板存徽州歙縣水南鄉柘林村之來鳳堂此本節鈔都爲六卷乃公可伯父重鋟于錦江者光緒壬午秋揚甫十一弟載歸粵東散失百一十八頁戊子冬珙補完孫受廉謹識

懷古田會卷末終